





寧二府君墓址清前告後記

顯祖寧二府君璋十世祖也 府君爲七房分派始祖居泮之東

游歷名勝愛瑞山鄉山川秀特卜築壽藏於龜山民山二號共  
二畝九分二厘墳前地四畝二分以爲明堂并置朝山土名丁  
塘共七號計十八畝零又念離城遙隔廬守乏人 府君創建

別墅於前陽有旁室萬家之概規模蓋宏遠矣遂命第三四五  
府君耕讀於其中而四房所居尤近墓側墓前地乃崑管焉厥  
後子孫相沿視同己業植木成林雖二六两房有相繼而托處  
者亦不知其原委康熙己丑歲孫懋鑣目視墳前叢林蔽塞心  
甚憤之乃會縣孫責以大義砍面前巨木以開向而猶不知地  
之爲常有也太刊地寬四房孫洪客洪禮豎造高樓鬼然左列



不顧有碍於祖璋自丁酉始往謁墓瞻拜之下觸目感心思

府君創業之初諒不若是因細查號畝核之方步侵越已顯然

難混用告叔父洪楠兄懋謙并諸家長會同鄉孫懋魁懋曉輩

將從前未伐之木盡行除削集於小宗祠直言公斥而容與禮

信爲地係已業堅執不服爾時在鄉子孫因其饒於貲有戀私

恩而避跡不至者有利其所有而爲之左右者議用不成鳴縣

控府幾構大訟幸賴 府君靈爽再三明丈始悔厥衷愿助已

田入常以爲從前侵越地價家長亦念其陷於不知成功莫毀

拍地一畝令收籍輸課藏石以伊滴水爲界左圍甃以墻永不

許開門出入明堂地方分租簾晒不得堆積穢物亦不得復行

栽樣立約爲憑而訟乃寢焉是舉也懋魁輩挺然不避嫌怨不



惜支費而叔父與兄不爲勢脇不爲情恕數百年未清之界一  
旦劃然璋也亦從諸父兄後始之終之焉竊恐日久世遠清者  
復濁後之視今亦猶今之視昔其貽患或有更甚焉者載之於  
譜似無容已故不以筆拙爲愧而詳記之以示後世云

昔

雍正四年歲次丙午孟冬月中浣之吉

九世孫秉璋撰







重興祀田記 丁山二房

顯祖晉四府君丁山第二房支分始祖也安厝六十四都東姜自來龍以及後座四圍皆屬已山旁造守墳庵屋一所遺有祀田二處一落本都墳側一落六十三都洪塘歲收備祭由來久矣墓孫雖徙居瑞山鄉者三之二而居泮東者三之一幸賴祀產豐裕鄉縣定期清明前二日會集墓下拜掃奠獻序昭穆講仁讓飲福受胙稱盛事焉至五世孫輩有一二不肖借端瓜肥盜賣殆盡僅存田十二畝不足以完墳畝糧課庵屋且剝落傾頽祭缺無資鄉縣萃集寥亡余目擊心感慮此典廢而彼此隔絕雖同堂若途人何乃詢之父兄究從前廢棄之由始知田雖售而價猶未足向找些須漸圖恢復乃不幾年而本都之產贖回



矣仍日積月計未嘗苟且一分毫支費一杯酒祭從儉約公務  
丁捐歷數年而六十三都之產贖取綽有餘裕無如領借之孫  
懋鑣中途忽蹶懋鑣之子熙唐遇恩納監只得從寬議除三之  
一先將伊三十二都已田三百廿八秤契抵公常管業耳然而  
公產日增公費不日靡貯蓄盈餘至今六十三都之產又贖出  
常管矣清節祭掃子孫畢集享祀豐給胙厚百廢具舉增其舊  
制此雖余經營慘淡之成而亦諸理事勸勦之力也爰紀其廢  
而復興之始末載之家乘以示永遠俾子孫無忘艱難無貪私  
利秉公生發擴而充之建小宗之祠修祀典之備彼此雲初得  
以綿綿奕奕永沐世澤之長而不慮若途人之不相識也則有  
待於來者

七世孫洪楠記



贈楊州判府徐公叔茂榮歸序

西南○寧四

皇帝復位之七年天下諸司循例

朝覲維楊郡守王公將之京是時判府徐以老移檄於郡守請

天達

天官冢宰嘉其知止卽以其名聞

上允其章命下之日楊州之人如父母之去其子留之而不可

得也公名森浙江東陽人以明經登胄監旣而歷政練達老成

謁選

天官擢任兵馬指揮拱衛撫綏靡不克盡其職廼考九載績

聖天子憫其勞褒贈父母如公職仍陞楊州府事公蒞任識獄明

恕撫民平易新學勸農舉皆無遺公之德政孚於楊州之民已



非一日故其人仰之若父母然今其去也欲留之而不可得東陽爲山水佳地名士輩出公今榮歸故里必置常稔田以養濟群族具酒食以會諸故舊或輦行三洞賞花卉之幽芳舟棹雙溪覩錦鱗之游泳或舒嘯於涵碧亭時賦詩於八詠樓其遊目騁懷信可樂也是則公之樂所以乘造化以樂夫天命也公戒行江都令王公振之偕同僚請言爲贈辭弗獲因述此以爲贈

天  
肯

天順七年夏五月初旬吉日

賜進士第翰林院修撰兼修國史

姑蘇張

益書贈



孟彩翁九旬恩榮壽序

西南長房 ○ 晉七

夫人之生同得天地之理以爲性同得天地之氣以成形其間  
清濁純雜之殊賢愚壽夭之異者何耶顧人之所養有不逮耳  
孟子曰我知言我善養吾浩然之氣視彼肥甘聲色殮松栢餌  
芝苓以致壽者大徑庭矣故曰善養其氣者壽無搖其精者壽  
又曰仁者壽又曰其德不爽壽考不忘善養所以修德也德旣  
修則壽可徵人惟不修德而罔致壽者風氣之變而什無一二  
聖人所以憫黎元之斷喪洪範所以著壽域之首名致壽之理固  
難也吾邑之孟彩翁者仁德人也孝以事其親弟以事其長忠  
以盡其謀信以踐其言孜孜汲汲始焉如是而終亦如是修德  
之功且日新靡已所謂齒德俱尊天下之大老也今年躋九秩



幸沐

朝廷恤老之恩肉帛之賜冠帶之榮鼓吹充庭霞觴迭進綵服翩  
匕而芝蘭馥郁曰鱗曰鱗曰鉅曰錐皆英偉秀拔曰錫曰鏡循  
聖匕雅飭披歷世美克紹箕裘或治粟而膺韓侯之寄或刀筆而  
踵蕭曹之績皆不辱於楊州別駕公祖武之風由此觀之非翁  
之修德而何有此福壽而何有此子孫繩繩之衆耶余抱疾歸  
田杜門不出適親友李昭賢蔣克端輩持軸請余文以爲賀辭  
之勿克遂秉笔直書曰故大德者必得其壽請以爲今日孟彩  
翁之慶是爲序

大明正德丁卯十一月之吉

賜進士第江西道監察御史

姻家眷生盧

格頓首拜撰



贈徐世明冠帶序

西南長房○復四十三

國朝法古爲治制冠帶章服以秩人之貴賤然章服絺繡有公有卿有士大夫又有百執事者焉而帶則有玉有金金有級花有銀銀有級花有角又以差等乎公卿大夫百執事焉冠亦尊卑異制而要之沐冠帶者皆王臣也故一才一行之士咸欲霑一爵之榮膺冠帶之寵以求不負所學於盛世而出類於稠人莠任職雖有等級然不越乎貢舉推荐二者以進吾邑徐君世明乃楊州別駕濬茂公之孫也慷慨尙義行足以悅人而今年亦躋於知命適

朝廷恩例司天下委積必推本土之人持公道能服衆者爲之縣大夫諮於方里咸以世明薦遂授七品散官之職任一邑委積



之寄今茲舉也出於

聖天子曠蕩之殊恩而爲不可期者但見世明峩冠傳帶褒然榮  
耀鄉邦爲之增彩宗戚爲之改觀世明實爲胥慶矣尙當盡心  
厥職以供厥事使會計當而倉廩實以給一邑之窮民庶可以  
無負方里推薦之心與夫親朋贈言之意余辱世明厚故敢旣  
序我

朝章服之制於先而又以君之所當爲規於後是爲序

昔

正德丙子冬月之吉

賜進士第江西道監察御史

同邑盧

格拜撰



比屋絃歌頌贈成庵徐公序

徐侯起制科令豐城下車未幾聲聞隣邑譽注當道撫臺莓崖  
周公署侯視民之飢溺猶已慈愛由衷留臺摠督竹庵陳公署  
侯之名夙茂政績擅芳一邑敷惠正盈而兩臺獎檄交至信乎  
得民斯獲上也吾方喜

朝廷之得人鄰邑之有幸侯治下一愚黃君諫遠來謁予謂躬逢  
其盛謀修慶典拜而語予曰我侯之始至也丰采易揚仁慈益  
發觀者如堵一見決其爲良父母惟時若豐之民庶忻乚然謂  
吾今得有所怙恃也胥徒陶陶然謂吾今得有所向邇而易事  
也士類蠕蠕然謂吾今得有所觀法而取裁也旣而考裏廸典  
釐弊救偏劑量伸縮以裁酌民宜張弛紆速以式和民則樽節



侈靡以省約導俗時政救荒以出民溝壑無逋逃祛革宿蠹以  
繩民奸宄無隱慝緘悉具舉人咸攸賴大者庠校以崇耆舊以  
禮祀典以嚴祈報以舉督賦以時百度以貞甫半載而四境之  
內士民若於治昔孔子之武城聞絃歌之聲而喜今環豐民庶  
則得所矣胥徒則器使矣士類則從教矣盡一邑而有成之速  
若是諫等何幸際召父杜母之作於今乎余聞而喜語一愚曰  
天下者縣之積也縣最親民侯於釋褐之初據所蘊之始卽視  
民之飢溺猶已而由畏之慈愛檢身若不及之學問隨政漸漬  
於民有孚惠心最親則最易及也固宜有成若是使天下皆如  
侯何有於治余固爲天下得人喜乃效唐人頌體推拓數韻一  
愚其敬揚之大庭爲頌曰於維



王國篤生賢哲賢哲登庸製錦花封躋華發蹤父母於豐輿蓋來  
臨民禍適侵左提右携周旋護持寧書下考母苦百姓百姓不  
忘惟公之良霧解風清宵食晨星袞幃日征披牘夜繁疲勞執  
任惟公之勤濟以廉平威令震霆紫氣蒼精掃塵汎氛翦暴屠  
兇奠我章縫文教實崇桃李春蠟枯稿復濃豐富斯滌錫水斯  
溶浴德擢畏惟侯之中祈若甘霖雨民以金液我畝壤降我豐  
穰豐穰之禎寔惟德承豈曰無因由畏之仁曰愛曰慈拯溺拯  
飢節省儉約汰民之瘼益道裕民惟侯之清夙茂檢身道顯於  
誠譽滿口碑無刑是期期於無刑巢鶴來庭和致休徵物產芝  
莖民無獨煢元化薰蒸政若膏凝雨潤露榮田野溢寧偃僂車  
盈恩覃化被惟侯之施途歌巷舞惟侯之撫孰曰有成三年乃



徵德化被之桴鼓相隨民實逢辰撫治周旋優侯如賓監司著  
彌留臺中丞乃加政聲遠檄署文中外周聞合辭薦揚簡在乾  
綱維我  
天王德配陶唐功侔夏商周以賢昌進忠遂良侯將遠翔入耀龍  
光直聲琅玕為棟為梁為珪為璋經綸贊襄翊戴天常澤彌禹  
疆遠屆夷荒侯之所將即此召棠棠蔭無方桂石廟堂

告

皇明嘉靖四十五年歲駕丙寅孟秋之吉

賜進士第奉政大夫湖廣按察司僉事前兵部武庫司員外郎

隣治生繹泉吳椿 拜撰



公不得專美於前矣茲固有致斯民於熙皞而不知者豈徒止於一郡一邑之彌頌而已哉

皆

隆慶丁卯年仲冬月之吉

賜進士第浙江道御史南昌侍教生見雲劉曰靨頤首拜撰

紳衿詩歌載後







頌德揚芬序

皇朝頌德揚芬者乃教授陳君司豐訓時頌其邦侯成庵徐公德政之懿將以揚其芬於寰宇而傳諸不竭者也公初以名進士出宰於豐值民弊日滋民生日蹙稅額日虧廩庾日虛又適遭意外蔓延之禍方興未艾人多流亡逋竄里巷一空事之難爲至賻此蔑以加矣公晝夜撫循招來安集乃不至變出不虞咸謂此時公不以一身當其衝豐安得保其爲豐也比稍定則遐詢傳訪究歲額之所由虧與民生日蹙之故久之乃知積習相仍之弊實始於豪強兼併之雄巧爲飛洒詭寄以密其迹於一時至歲改月移則其迹遂泯不復可尋此豪橫之田連阡陌而艱苦之產無立錐富益富貧益貧悉由於此乃起而浩嘆曰茲弊也



坐爲令者畏難而不肯任怨也誠不畏難而任怨則一釐正之  
間弊之祛也特反掌耳遂毅然以均田清賦之責自任請於當  
道旣報可公益創立規條酌取事宜務盡物情期於就緒貧民罔  
不踴躍稱快卽大豪巨猾欲阻撓之不可得矣時遇有要功者  
欲攘之爲已績公力拒不容蓄私憾乘公應

朝北上囑當事者檄彼來視掾乃駕無稽之說動搖群聽當事誤  
爲所愚因托庫藏交盤不明疑有隱蔽之私遂論公公弗知也邑  
父老聞卽夜走訴於兩院又復走數千里赴京都擊登聞鼓以  
訴於

皇上詔下御史臺覈寔無毫髮與事卒得明妄言者坐是相繼罷去  
乃知公道人心終不容泯若此時陳君得之見聞尤極親切嘗



躬率諸生力爲論白迨公將赴部聽調時豐民思報公恩德輒  
相與建祠以祀之仍立崇碑勒公政績於上俾傳之不替視彼  
讒夫形隨影沒不免與草萊同朽腐榮辱相去何如也陳君輒  
又製一圖爲公贈題曰頌德揚芬義蓋取此列四目於前一曰  
德被鐔江卽張雷二公得劍處也豐墟因是以擅名公德與江  
兩並永則夫沂流而想公之德不猶觀河洛而思禹之功千載  
同符而合轍哉一日望隆臺閣臺閣者

朝廷所以處輔相也公抱經世之才而蘊匡時之畧則輔相之具  
卓乎其豫立矣一日受知

聖主薦陟台垣以表儀

廟廷霖雨蒼生不由此爲之兆乎所謂望隆臺閣者信不誣矣一



曰勒石頌功公之功在豐邑人亦孰不知之而奚假於石也不  
知豐之人得之漸涵覆被之深固將百世不能忘也往來行道  
之人不觀諸石之所刻知之者不亦鮮乎故必以公之功勒之  
巨碣之上然後石不磨則公之功亦不磨而詔往貽來凡有目  
者皆得覩之矣不然則崑山之碑望之墮泪亦奚用哉是石之  
所當刻何疑也一曰建祠留愛夫建祠者建生祠也生祠之建  
古亦有之使非深仁厚澤浹民心則將幸其去而恐其來况  
建祠以祀之乎公之均田而清賦也祛積年之蠹弊於一朝貽  
群生之樂利於無極雖欲不建祠而留愛得乎予謂凡此四者  
陳君亦僅舉其槩言之耳公之良法美意清風勁節表乚在人  
皆足以砥世礪俗與先修往哲並駕千載四者又安足以盡之



此固陳君言外意也公今再令館陶館陶東昌屬邑余嘗謫倅於東昌知館陶民淳訟簡懼法畏刑可以仁孚而德感以入之樂易愷悌施之則其心之纏綿固結寧但如豐民已哉輕車就熟道瞬息且千里矣陳君慕德不已將携此卷往謁公出其諸所誅歌紀述之言示予請爲序諸卷首予愛而閱之乃知陳君頌德也非私頌也爲豐民均頌之也其揚公之芬於天下也非私揚也爲豐民均揚之也皆秉彝好德之良所呈露也陳君深得公懿美之寔者乎然非公之德有足以副其所言彼肯失之於溢美哉陳君今又轉官於岷府行將有日且素以高亢清介自持耻爲人屈固知頌公之言皆落落可據非無徵不信者也公本東陽世族與余有同鄉之雅乃樂爲之序而弗辭



昔

萬曆歲在丙子仲冬上浣之吉

賜進士出身

魯府長史司左長史前刑部員外郎東越朱明求頓首拜撰



慶徐君聲之先生七秩壽序

丁山二房

恒十

春王正月歲殷陳子敬敷具書劍戒琴僕將往婺之東陽余以  
交戚故餞之江之滸執盃云別旣而取酒瀝流爲之祝曰客莫  
難於遇主交必比於有功吾子是行必得賢主人以交有功也  
子蓋慎諸陳子拜嘉余言揚舟而往及聞餘二月十有五曰從  
者自東還跪進手書曰陳君子之遺也余啟而讀之其始則盛  
道主人相與之賢其次則歸功於祝規之驗其中則言孟子觀  
近臣遠臣之說若以譽已之言未復詳言曰主人姓徐名洋聲  
之其字也處家庭有禮教子弟有方接賓客以敬謁有可以公  
優游泉石有古君子之風世居縣之東南北近黌宮之側前挹  
兩崑之秀左列孔山隱然宋平章喬公之遺跡尙存右還帶水



舒徐以入於泮而清亮之聲可傾也公三子若伯若仲皆幹家  
有道而克宏先人季則已升諸學造進有道論辯有才而公之  
榮膺可日計也其內助之賢又足以相公而朋年咸協今之夏  
四月十有四日壽屆七旬得賢主人如是不容以無頌而敷素  
辱愛於先生亦當爲某賀其得賢主人也敢丐一言以歸諸壽  
幸毋辭讓榮甚余覽畢喟然曰蒸之去婺五百餘里拂人之求  
非情也知人之賢而弗彰非公也非公絕義非情絕仁仁義吾  
所自立也如之何其絕之廼爲其說曰無徵而言德謂之譽無  
本而言壽謂之誣譽與誣皆私也故善言德者必徵諸壽善言  
壽者必本諸德古之道也余不知徐君之德而知其壽世未有  
壽而不德者觀君之居則禮樂以淑其心志山水以娛其耳目



而養壽之藝植矣觀君之嗣則家庭之樂蘭玉之愉而疏壽之  
源濬矣觀君之助則徼順以暢其和陰陽以適其體而培壽之  
幹樹矣斯以陳子之言徵諸君者也吾願其自今伊始萬有千  
年而夫婦之朋壽無窮也乎自今伊始萬有千年而子孫之樂  
引之勿替也乎自今伊始萬有千年而與禮樂山水相爲悠久  
也乎斯以余祝辭徵諸德者也陳子其匪譽乎哉余言其匪誣  
乎哉賢主人盍勉乎哉是爲序

皆

嘉靖十三年甲午夏月中浣吉

賜進士第前兩京廷尉知南開封府事

慈谿沈光大拜撰



黜發士兼備而京城操映南門樓觀事

高谷水大執器

嘉龍十三平甲平夏月中試吉

四省

乎斯覆主人蓋頗平甚景然

此乎漸以余願指燈語語法也羽于其羽魯平如余言其羽指

良之必替出平自今中故萬有于平而與舞樂山水賦高然入

平而夫機之即壽無與此乎自今中故萬有于平而于終之樂

轉機突機以朝于之言為其甚也音賦其自今中故萬有于

賦制矣雖其之也限發賦以制其味制則以直其體而故壽之

而養壽之壽也矣雖其之也限發賦以制其味制則以直其體而故壽之



贈一松徐君六秩壽序

丁山六房

恒百五十三

夫物之生也濡育懋植迎則隨之養則成之厥化匪私培栽施  
受之恒莫之或徼致也茲固永年長視之道余於一松徐君卜之  
矣一松居近鬻序沃乃濡育厚於懋植其有以養而迎之也隨  
而成之天豈私一松哉今以中秋前一日壽六表姻友吳氏源  
輩將執觴祝先期介贄帛乞余言爲祝詞余於一松姻戚之雅  
又素知一松其何以辭公德性恬澹溫厚敦朴渾乎其中充乎  
其容喜愠未嘗見顏面言語不輕出諸口居家克篤孝友怡怡  
雍睦處事循理道雖撓撞激搏不少震動疑然貞剛不易撼亦  
不肯作崖岸忤於物拂意事肯降心相讓饒於貲皆自勤儉未  
嘗求諸分外是不攘匕於形者也處賓友有雅誼齋豐惟宜教



子姓惟其材故皆安其操業平生履蹈皆在尺步中其內視而  
永堅者豫矣培其根將完其神以凝其貞以葆其身蕃衍柯枝  
鬱蒼茂森後歲寒而不凋也謂非公之濃陰乎吾見暢懋條達  
之機隨其機而成之果不謂天之私也介耄耄期願推敷蔭餘  
申錫蓂茲其能以歲月計哉公生四丈夫子曰棟樑欒梁者皆  
世其家孫男方彬彬未艾則恢張傳施撐持堅貞庇覆陰澤乎  
人人者又未可量也吾於公今日卜之矣余羈於官未獲偕諸  
君執爵於公之堂聊以此爲賀諸親友以爲何如也君諱淮字  
濟之一松其別號云

嘉靖辛酉歲秋八月之吉

賜進士第奉議大夫福建按察司僉事

眷生金澗拜贈



吳翁慶竹軒翁壽序

西南長房

泰四十二

竹軒徐翁余外舅也舅氏吳翁玘內兄吳君鳳來一鰲輩相與  
友善以明年正月十一日實翁五旬初度命圭言以侑祝觴緣  
圭將用賓○王國無遑捧爵賀因命而言曰夫竹中通而外直  
後彫而多材植物之可好者莫如之而善用其好者惟衛武公  
觀其於始生堅剛茂密而日修其德以底於成抑畏之戒猶當  
不忘於旣耄之時年所多歷九十有五人咸謂其德修所致今  
翁以竹命軒請以是爲君壽可乎吾聞竹軒翁上有節母吳安  
人而色養兼隆則成之者遠而其根以培下有賢嗣如文光文  
德而燕貽備至則引之者長而其枝以達矧日以竹對厥德惟  
修智之所崇由其中之通焉軌之所端猶其外之直焉節之所



砥藝之所蓄猶其凋之後而材之多焉則用情於竹殆庶幾於  
武公而出於子猷人俗人瘦之諭與長公有先後同揆者矣夫  
智德之通也軌德之則也節德之幹也藝德之分也分以利用  
幹以立命則願貞通以效動此今壽之獲固非倖致而光終之  
慶不竊有願焉而莫之能量者乎雖然太安人之節竹軒翁之  
所樂也竹軒翁之壽其嗣文光輩之所樂也使竹軒以太安人  
之心爲心而日益培植其嗣以竹軒翁之心爲心而日益暢達  
則顯揚以崇孝利賴以垂裕使鄉國之人知翁有母子之賢者  
皆所以壽翁於不朽也可不勉哉可不勉哉舅氏內兄輩聞而  
言曰美不忘規子贈誠人以言而愛人以德者矣盍書以歸之  
是爲序

鄉進士眷生如庵盧圭頓首撰



奉贈泮東西芹徐翁八袞冠帶序

丁山二房  
○泰八十一

士君子之遇存乎天壽存乎我存乎天者有得有失不可必存乎我者我能自盡而可以取必於天是故主靜則悠遠博厚自強則堅實精明血氣循軌而不亂精神內固而不搖此存乎我者也能是則可以得天而獲壽而遇亦在焉鼻寧徐君西芹通今博古種學織文爲弟子員每試輒居前列聲譽隆隆然與迺弟成庵君並成庵君取科第躋膺仕君則豐於才限於數久之而厭舉業樂恬退雖心亭陳庠師肖源黃邑侯知君重君者欲挽留之不可得其勇決如是自是枕流漱石吟風弄月徜徉山水視世故如虛舟飄瓦而不之知雖居城市間而實蓬壺中人也所謂主靜者非耶生平好學手不停披一有見聞輒加記錄



尤重然諾息紛爭有太邨風年雖高而居無倦行益忠也所謂  
自強者非耶且也雅不服藥不信僊不事佛惟務內養以保天  
和而顏色光澤筋力強健步履安便宛若藐姑射之神人所謂  
血氣精神循矩而內固者非耶是故壽莫如山山靜物也君主  
靜宜壽壽莫如天天動物也君自強宜壽血氣壽之榮衛精神  
壽之主宰也君榮衛調而主宰定宜壽行年八十有一越明年  
則尙父鷹揚時君之矍鑠如之越九年則武公作詩自警時君  
之謙抑如之越十有一年則伏生授經時君之博洽傳述蒸匕  
然入耆頤之域開南極之輝與天彭氏而同壽矣視彼之獲遇  
於一時而不能永延於百歲者何如耶繇斯以談君之不遇天  
也惟能盡其在我故以五福最先人之深願而不可忒得者能



取必於天未始不遇也矧語有云天壽日地壽水人壽子孫君  
之子孫將必有大於門蔭槐庭者所謂不於其躬於其後又於  
君乎卜之天之遇何迥哉余也叨分東膠君業已高尚猶循循  
然執弟子禮相愛最深號爲忘年交及轉金浦憾抱商參無幾  
何而復博婺庠君來顧余養愈盛而顏愈醜喜慰又何如耶今  
夏五月十有七日君懸弧辰也親友順卿王公思仁盧公與吳  
良能李文策諸君謂余別而復會固難也會而值君之壽壽之  
誕猶難也況且以例冠帶於蒲陽嚴使君君雖素謝此舉天與  
人兩相值難乎辭矣遂欣然操筆而遙上華祝以爲君慶

昔

萬曆十八年庚寅孟夏望日



東甌訥吾山人湯克詢子獻甫拜撰

侍生 黃文炳 嚴貞度 真 極

陸 樂 孫應相 秦懋科

姻生 王乾章 盧洪春 許弘綱

樓如山 王嘉忠 李嘉琳

賈天民 蔣大用 盧洪秋

趙 璧 湯三聘 李國祥

許思直 盧亨道 徐子進

賈宗正 湯日升 趙賢書 同頓首拜

同年輩名多不及載

...



和堂公七秩壽序

丁山二房

謙五十三

和堂徐君余楚郡學博桐川翁之子也乃翁與余有國士之雅  
蓋登弟子籍時業已物色之矣迨余備員史館日逐逐於纂輯  
之役使問寥廓然私心竊向往之甲午歲

皇上修曠典策試天下恩薦士於廷余分校經房拔其尤以獻得  
金生鍾淳者乃君里人也進與之語問君起居對之甚悉及南  
還持書幣啟曰徐君與家君契戚也戊戌歲菊月下旬之一日  
七秩家君偕學博士暨媼友輩將稱觴以祝君壽願乞一言以  
榮之余曰箕疇五福壽實先焉顧人有壽者有壽也者壽非難  
而壽也者之難也徐君壽矣夫亦有所謂壽也者乎金生日君  
闇然篤行君子也其潛德幽光未易枚舉姑撮其炳炳燿燿人耳



目者君少淵茂雅嗜詩書長收先業而善息之亦時以其暇涉  
百家言泮之東君故居在焉厭城郭之塵囂而隱山林恒情易  
以權子母乃君賑窮恤乏而業勿收也恒情易以持短長乃君  
知白守黑而退勿競其親親長長修之家而式之鄉者蓋尤表  
表較著哉會計之政持籌者難之君挺然佐公家之急而衆咸  
以平縉紳先生推舉式靡君謝不敏無以辱月旦鄉間有隙得  
皇君言樂罷無遺憾邑令丞謂君長者顏其堂假以冠服歲時讀  
法虛左迎之君勉起一應命歸而潛修砥行自若也恬澹明志  
寧靜致遠松栢其操而山岳其神倘所謂壽也而樂其天年者  
意或以此余曰諾君固有壽之矣語曰仁者壽又曰仁者昌厥  
後夫人一念真醇尙足以格蒼昊膺遐齡况君懿行純備毫無



瑕玷以汨其和平則天之壽君而壽其子若孫者且綿綿之未  
艾也而令子應祝之善箕裘試已余嘗搦管詞壇蒐羅隱逸千  
載之上巖穴之下有耆碩焉猶將函稱而優揚之乃君誠隱君  
子余且世世講之者敢靳一言以祝其壽乎今

聖天子方弘開域壽以崇老老之義行且蒲輪徵君修三代父事兄  
事之禮則異日光史冊垂不朽又無俟余一私之爲也遂記之  
以授金生爲徐君壽云

嘗

萬曆戊戌菊月之吉

賜進士第詹事府左翰德兼侍讀學士前翰林院編修

通家眷世弟郭正域頓首拜撰



顯發士康以學保不儲論兼特歸地士前命

博觀表表以以文皆

知昔守歸而

以對金注為給無壽云

華文豈俱疑目依與冊應不沐又辨對余一味之然也

望天字文也開起以崇來去之義行且備錄為錄三外父事及

于余且辨對滿之香煩釋一言以厥其義平今

輝文士懸穴文不存音野語離深幽然而變歸之以此端錄

艾也而令于觀厥文等其案始且余普爾會爾與真錄烈數于

雖托以印其味乎風天文壽武而壽其于故每皆且錄歸之未



謙六十二徐君冠帶序

丁山六房

古者風氣淳朴而人多真性不琢外物不侵歷年久而精力弗衰作德深而天眷益篤是以

朝廷命諸宗伯核之有司因其齒德謂之耆碩乃

特恩旌寵冠帶榮之郡縣施以禮貌書曰表厥宅里季世恒遵行焉第人與典背時俗因藐爲輕務可慨耶余承乏吳寧尹訪風問俗知吳寧之民依有古風慎重此典尤重此人一日偶接余家大人同年成庵徐公孫有級以叔祖文壽請序於余曰叔祖叨沐寵賜飲賓加榮冠帶壽而彌康敢丐麗詞以登之乘垂不朽余曰乃邑古風其人紀其行可也烏用麗爲謹按公諱文壽字大年泰七十五翁之仲子也家世以詩禮遺徽而公聲雅



望籍籍熱群耳其賦性淳厚秉質朴誠狀貌豐厚奇偉器度沉  
重簡默好淡素儉約之制惡侈麗浮靡之習曠放遊俠廢時失  
事者絕無與交善治家有爲有守一遵乎生衆食寡爲疾用舒  
之道家計日以饒裕每歲延明師以訓宗戚子弟孝事二親生  
無不於奉養死克盡其塋祭友于兄弟有棠棣之雅萼韡之風  
處鄉党恂乚焉尊長慈幼鄉人有不平事質於公斤非揚善略  
無圓囑曲折至橋梁道路圯壞有告者卽出已資以助祠宇廟  
亭樂爲修建遇凶歲賑濟閭里全活不可勝數其葆性著行如  
是所謂養晦于潛表章於朝宜矣公配厲氏綽有鷄鳴風惜先  
公逝矣生二子皆英杰一時雄偉一邦者吁嗟公膺華袞之美  
公之德榮其身嗣呈麟趾之祥公之德裕於後若公者洵可爲



晚近世之規標者宜爲傳

卽前昔

天 啟 丙 寅 蒲 月

知吳寧清軍事年家侍教生游元沐拜撰







奉賀

西南長房 ○ 咸百廿八

卽可收明南徐君榮擢典倉使者兼六旬壽序

服官於帑藏倉庾靡不以末僚厭薄之然兩者實

國家鉅任攸關彼其度支覈數出納因時倘非有才胥德量者降  
心抑志藉爲倚辦能勝任而無稍舛乎吳寧明南徐君自司庫  
廣陵奉公嚴恭所在當上公意旨故甫及滿秩之期旋遷宜陽  
之倉使者其當上公意諒不殊於司庫時尼父會計當於委吏  
知君奉爲模範久矣卽蕭相國以督餉累功韓淮陰以典倉起  
譽寧不可媲美於前乎他日

銓衡褒寵晉爲良牧以酌勞勩者斷可必也益君爲浙東望族先  
太祖曾爲楊郡別駕迄今緬想其經綸措註猶嘖七人口箕裘



世澤君克纘承故清慎勤敏而吏治光也異日民牧䟽榮又奚  
疑今君將遷宜陽適值六十弧辰際元夕令節時

郡公念頻年軍興間閭愁慘幸值昇平令大張燈火與民偕樂絃  
歌景暢彩綺輝開若爲君慶誕增光固宜稱觴壽筭迭進而  
不容已者然不佞就君之伏在下位占其鶴算無疆焉以彼才  
庸德量縮銅章紫綬豈爲溢分何僅簿領委積磬折跼蹙役神於  
鏹錢穀粟之瑣七拙亦甚矣天道若張弓高者下之抑者揚之  
屈於位必伸於年由此言之君壽大齊難老不可券俟耶遂緣  
文臺胡君諸君子之請而序述之以爲酌者辭

天 啟 歲 次 癸 亥 元 夕 吉 旦



賜進士第翰林院檢討

侍生倪啟祚拜撰

通家眷侍教生胡進詔

丁文煥

張日垣

樓起鵬

談三傑

陳尙仁

藍和璞

殷三紹

張大訓

陳文俊

仝頓首拜



顯進士葉德林劉鉢

亥元夕

卦主吳孫拜魁

顯宋睿卦孫主節鐵節 丁亥魁 顯日與

文臺胡君諸子文節而卦賦以 翁三翁 則尚二

局於位孫命以生 此有文 益味與 顯三翁 則大階

顯叔教學之 亦在宗 太極一 則文卦 全顯首拜

顯是宗顯孫之 為在宗 卦主 卦主 卦主 卦主

容已者然不傷 亦在宗 卦主 卦主 卦主 卦主

顯是宗顯孫之 為在宗 卦主 卦主 卦主 卦主

顯是宗顯孫之 為在宗 卦主 卦主 卦主 卦主

顯是宗顯孫之 為在宗 卦主 卦主 卦主 卦主

顯是宗顯孫之 為在宗 卦主 卦主 卦主 卦主



恭賀 ○ 明二百廿八

丁山二房

大德望卽儲封旭翁徐老年翁六袞榮壽序

蓋聞仁者有必壽之徵而知壽也者必之於天仍必之於我也  
我能恬淡無欲則體靜而氣充氣充而神旺精明強固壽維祺  
而歷無疆固然矣瑞山有君旭翁乃余契懋鑣父鑣自癸未  
游庠日與諸同學問業於余其志稟敏銳氣宇冲和余嘗有國  
士目竊以爲琪樹仙葩涵育有自今少陽旬有二日爲乃父懸  
弧辰諸親友欲稱觴祝嘏丐序於余曰師自秉鐸吳寧采俗論  
遺人以得一言爲定評今徐友尊翁君旭者醇謹篤厚生平  
絕無微瑕心計似研桑然諾猶季布坦然物外與世和平樂酒  
行歌是傾是鼓饒有王東臯李盤谷之遺焉且素懷慷慨晨炊



樂借雅尙惠施宿券可焚尤其里頽希文俗推叔度者樹德滋  
而福報不爽花甲一周乃皓齒朱顏與夫人舉案齊眉時逍遙  
於禽魚花竹之圃而塵俗事毫不染焉蓬萊閬苑是其人矣余  
輩願合伸一爵敢乞師言以貺之余曰信如是是可以壽矣世  
之人手口交瘡營七祿七於羶熱場中而至老不息者比比有  
如旭翁之質性凝靜而心地又清明棲幽潛德不撓物情者  
乎恬澹足以風表人倫無欲足以立達斯世古聖所云仁者之  
壽必之我者翁已裕之矣奚必飛瓊進冰桃麻姑擘麟脯始獲  
長生之秘哉伯仲彭錢非固然歟今翁之壽甲子也猶梯之初  
階耳由是耄耄而期頤吾知未有艾也行將携鳩杖而佇觀令  
嗣之扶搖九萬受



冊誥而拜馳封可計日而至子成天下士人羨地行仙爾時之搨  
北斗贖南山者又何如欣慰也耶諸同人試以余言侑康爵乎  
余亦將浮大白以進

皆

康熙壬辰孟冬月上浣之吉

辛酉舉人署東陽縣教諭事

武康郎

培頓首拜撰

眷弟金汝恒

李懋聰

湯錫俊

吳勳

杜晉生

蔣哲

張承諫

趙正彬

吳霖

杜國經

盧慧楚

葛之煥

盧士振

吳學燮

杜秉琳

韋承楠

李芝

盧士綱

吳仲友

樓堯鑾



湯佐 吳燧 李世傑 陸松齡

張世圻 胡俊 吳熊 韋道緯

郭肅 周之翰

眷姪 吳承翰 顧國棟 吳希濤 金忠振

張謨 陳承琦 金光朝 吳承周

金弘仁 湯弘圖 趙正連 蔣英

杜時俊 吳承樞 郭欽楫 吳承成

吳希鎔 王輅 吳希潮 李勳

程煥 許思鎬 李英 王文相

吳希鎬 李光燕 杜時英 金淞

杜正誼 葛啟錦 湯錫政 仝頓首拜



濫信是豐陽有二天中年奚必誇三異似此勲功何所方傳  
入南山帛內香千年不改斯民望相伴龍泉劍氣茫愧余駘  
質原踈淺棘院何由膺駿選雖然未竟趨雲程沐訣指南功  
可勉謾言知遇一朝間須信奇逢千載難寸衷感激胡紀極  
悠七南浦共西山侯度三年當述職戒期整發供行色文旌  
柳外壯風雲劍氣江頭炳星日郵亭把盞餞銀波波光蕩漾  
疑陽和知己徒能瞻盛美揄揚不盡寫行歌丹墀拜舞恭敷  
奏試序天曹功獨步佇看鳳池集夔龍此日劍江權借寇古  
邑千年劍氣光仁侯出宰紹龔黃賢聲喜聽歌民壤勲業頻  
勞薦廟廊堂湛水壺清可掬塔臨赤子視如傷門墻桃李知  
無數盡屬春風化育場



古風 門生潘良章

徐公粹稟人中龍文明變化超時雄乘時一躍祥雲從筮仕  
 耒牧江之豐靈丹一粒懸其胃需成甘雨藥疲癯步履則科  
 甦貧窮劍江尺土盡春蠲創院置舍增黌宮更兼設租萬石  
 隆慇懃造士本由畏花封鬱匕冊桂叢豐之人士喜奇逢士  
 可貴兮屋可封一時良牧許誰同賢聲赫匕流吾洪屆茲飭  
 度朝九重天王課最超群工涉明選人巖廊中經綸大展播  
 皇風佇看四海樂時雍史書千載標奇功

歌 門生鄧以讚

入南 歸朝歡 調

花封百里持侯節宿應福星光孔奕冊衷耿耿閔窮黎則壤



清稅絲微徹濟危尤卓越還輯流移樂業更誰知養士興賢  
古今罕閱聲名到處誇奇絕士懷民感相懸切豐江莫訝受  
恩經綸妙手須夔契甘棠花茂茁正宜報政朝金闕看此行  
課最群工宇內稱豪傑

貢生劉守成

謁金門

調

經綸手胼胝量豐畝更援赤子出淪胥再造勲功茂型範式  
端序友推重太山北斗從此簡在明明后名姓金甌覆

舉人周元實

豐邑司訓陳君受知成庵公甚深時當入覲

新皇行將就道仰止敷政之優感懷際遇之厚爰成六章以贈



贈言六章

有序載前

新皇仁聖邁重瞳夙夜趨朝展寸衷喜動天顏傳賜晏班聯  
玉笋聽呼嵩經綸漸試生平學保障誰收百世功只恐便留  
司鼎軸福星那得再臨豐

金鼓江頭曉夜行士民瞻望不勝情風推畫舫隨流順月照  
琴囊徹底清爲國寸心甘獨苦勤民三載不緣名只今聖治  
維新日喜見臺端用老成

勞心切匕爲蒼生鼓舞尤能啟俊英秉燭任教寒漏永鳴琴  
時對晚風清三年述職遵侯度萬里朝正入帝京聞道河陽  
花正好看公桃李更敷榮  
賢侯自許愛民深白日青天共此心筆下祇憑三尺法箱中



寧有四知金春來出郭詢農務夜半歸家對月吟更是瘠梁  
如鐵性肯隨流俗漫浮沉

清賦誰能便發端惟公談笑不辭難擬將鱸罟投溟渤座使  
鯤鵬振羽翰春日薰蒸隨處暖秋霜凜冽國人含久聞父老  
私相語開擊何曾見此官

三載瞻依愛獨深匡扶尤荷見知心不逢五柳先生話誰放  
孤山處士吟秋水涓匕涵霽月春風潑匕到儒林自來公道  
終難掩側耳郊前聽好音

年家晚生陳量

成庵公誣既白許終事調補去後民不能忘建祠勒碑  
以誌遺愛陳君請序於東越朱先生頌其德而揚芬於



當代爲列四目咏歌之

德被鐔江

一灣劍水忽增深誰恤蒼生嘆陸沉不是仁侯施大造豐民

安得到于今

望隆臺閣

古來相業說伊周宋室稱賢范與歐臺閣只今誰出色天心

火矣屬徐侯

勒石頌功

豐民向也命幾危更苦徵求日夜追欲識功勞何處是請看

一座劍江碑

建祠留愛



賢侯仁愛滿豐潭香火祠堂樹木深多少居民瞻拜日堦前  
簇匕儼如林

錫山陳量著

贈明齋徐先生章江送別詩

附載

三年叨濫倚門墻沂水春風一味狂江上幾番同眺覽

座間時復論文章臨岐忽作河梁別回首那堪道路長

恩義久孚情自切齊東越北兩相望

又

論交全是在心知心到相知誼自深清夜每聯孺子榻

通財時共叔牙金開樽樓上臨風酌携手花前對月吟

何意一朝南北遠好憑征鴈早傳音



又

握手論交意亦專

臨岐分袂欲潸然

齊東此去無多地

冀北相逢定有年

驛使好煩先有信

官囊莫道偶無錢

憑君共唱陽關調

耿耿誰堪別思牽

又

夫子仁風滿劍阿

先生贊助力居多

恩同南國甘棠頌

愛比漁陽麥秀歌

誰道浮雲終掩日

行看清曉動明珂

秋來北上如從陸

幸向章邯一暫過

又

先生昆玉並高賢

不久飛騰奮九天

學似三蘇真繼美

才齊二宋迥無前

從來經濟推名士

自古功名屬少年



更看雲中翔老鳳  
直將光彩動星纏

更愛先生志不凡  
親賢愛士意尤長  
走迎不惜仍留榻

金欸洽何妨數舉觴  
剪燭細談清夜永  
解衣時坐晚風涼

一朝忽入明王夢  
平地隨看立廟廊

先生襟度海無邊  
着我迂狂數十千  
客路敢云知己少

師門真覺愛恩偏  
每懷今日潘文浦  
何異當時魯仲連

如我三人心似一  
定應膠膝未爲堅  
山刻

先生於我若初交  
絕似昌黎愛孟郊  
祇愧才疎識未善



却慚心闊語多謬 肯因淪落隨生厭 深荷提携不忍拋

有日共登霄漢上 莫忘恩義勝同胞

門下侍教生錫山陳 量拜書

成庵翁徐父母老大人入覲詩并引

伏以我

翁負佐王之才蘊名世之具久於外歷宰花封經理當世之務

行登

金闕漱最

明聖偉其績而大授之矣振感德教之隆者因繪圖摛詞以獻

特彰其榮遇之盛云爾

更香詞曰



禁烟輕散銀河曙玉珮瑤街步九重深邃近雕欄盡把經綸  
陳舉琴堂三試一簾化雨勲業誰與侶憇說甘棠樹香霧瑞  
藹陽春煦龍光咫尺動天顏秀異權生宸宇遭逢非偶明良  
耆慶永佐中興主

右調御街行

昔

萬曆歲次丙子季冬朔

陶治下門生李東振頓首拜

送

大台望成庵翁徐父母榮轉南都司空

案牘無塵水簾清條風一夜報遷鶯琴清宓子疲癯起春滿  
河陽草木榮建業水深龍可濯金陵形勝鳳宜鳴甘棠已見



傳清史還擬聲名播帝京

賜進士第朝議大夫湖廣布政司叅議

治生武建邦頓首拜

已上諸作皆藏之心而發之於言言之不足而長言嘆美  
者也成菴公澁豐不滿三載而豐之沐浴咏歌如是是非  
天下至誠動變化有克臻此者乎楠也閱序傳碑記已知

公之大造於豐勲業爛然而伏誦詩歌詞調益穆然於當  
時仁聲人人其善政善教可以勒鼎彝而垂竹帛乃不能  
登之郡邑志中咎將誰歸倘或幸遇修續史志搜羅遺佚  
持以白之當事尙有待於後之賢子孫云



祝

丁山二房

文翰君挺徐年翁五袞壽詩序

昔遽大夫行年五十而知非孔子贊大舜曰五十而慕古聖賢  
屈服艾而傳頌不朽者難乎其再覲也壬寅春余奉

簡命澁東有徐子

挺翁甫下車卽耳其名乃懸榻以待金玉其

音適校試童子拔杜子立淮冠一軍乃受業於

挺翁徒始詳

悉其存心立品有昭昭不飾冥上不墮之修通庠罕配及詢丰

度之難接緣尊慈患驚悸常侍左右調攝願養若孩提抱膝十

數年不出戶庭功名絕口勿談余浴嗟久之以未獲薦揚爲愧

歲癸卯

皇上詔舉州縣孝廉正司馬書升之會學師首以翁舉合邑紳士交



推如一翁以母病苦辭憐其情而中止今年春值翁五秩芳辰  
景慕盛德者賦詩以祝請序於余余雖以簿書之筆墨於翁有  
不容已於言者雖然祝翁者豈必摛藻拾華鋪張異日壽世弘  
猷哉卽以綽有衛君子風而終身孺慕繼跡虞廷者傳不朽其  
栽之必培又奚待言諸君子倘皆是意而達之辭則以余言  
爲弁也可

簡命

雍正二年歲次甲辰夾鍾月

吉日

賜進士第文林郎知東陽縣事

年家侍生昌樂劉灤符頓首拜撰

恭祝



大聯元挺翁徐年翁五袞榮壽詩引

昔公孫弘年五秩開東閣以招賢漢書艷稱焉時當服艾正  
方盛期也覘遠大者緣此遞進余於 挺翁不禁欣然曰陶  
冠初上逢其會矣蓋余秉鐸來東與翁相契深時以課藝就  
甲乙大有元因公龍樓鳳閣氣概學養爲通庠袖領其事慈  
幃曲體善養坐臥不離左右孺慕依依已多歷年所唯闡伊  
洛淵源懸董氏帳傳吾道於東南其與開東閣者無異今花  
月爲翁五秩華旦同志者競捧霞觴拈巴頌余與翁有通門  
之好乃借淘泓濡墨漫成拙作以爲諸君子嵩祝之倡云爾

七言一律

春風爛熳舞春臺

曉日懸紅醉壽杯

紫氣遙添東海樹



彤雲近接北山萊

彩鸞繡羽萱庭樂

毛鳳流徽栢屋培

最喜公門桃李合

憑君領袖作塩梅

壬午科舉人署東陽儒學教諭事

年家眷弟武林胡嵩拜書

大三元徐君挺年臺五秩榮壽

兩崑峯青把酒看

流紅掩映曲欄干

知交漫進岡陵祝

猶着斑衣未整冠

歲進士儒學訓導年家眷弟錢江吳世良拜書

挺老先生五秩榮壽

傳聞西域點花籌

擲得崔王吉士收

絳邑年七殷甲子

大熙商山歲七魯春秋

郭公席上情偏逸

白樂堂中興復悠



約指清江頻汲水

湧泉常繞德星樓

更喜萱堂新火

同學弟吳從輅

君家世業抱青緇

不羨侯門依壁光

喜得王郎水上鯉

爲供慈箸作瓊漿

倚閭猶恐倚門望

嚙指何須步履忙

管榻頻推高士坐

登龍門內孰蘇張

同叅伊洛傳心緒

金許蟬聯何復王

雅好魯連逢郭泰

葛巾玉麈亦朝陽

年來應作鳳池客

樂自優游斑舞堂

照眼紅亭森玉樹

球琳嘉璧出崑崗

今朝共作升恒賦

春色榮兮桃正芳

更有名花共壽域

快傳魏紫合姚黃

同學弟吳希濤

代以紫宸朝青回

飄香風光照水

同學弟吳希濤

遽子評年屣履迎

風流差許學者英

龍池雅調緣心織



虎觀奇文賴筆耕

曾羨南州松菊趣

還添北海水雲情

芳辰紫氣臨青甸

應有風光麗赤城

更許各抒其志

同學弟李茂璉

知君養鶴守芝田

却值申生喜燕天

拍葉香浮鸚鵡拳

梅花韵入鳳凰絃

談經饒有游揚客

擲菓豈無劉阮僊

共道葫蘆初報熟

紛紛玉屑燦冰筵

尊中玉壘亦陶然

管籥吹簫高士坐

登龍門內博瀛洲

同學弟顧國棟公謫

長庚春爛煥文星

記得君家值艾齡

我喜登堂彌上壽

杏花萱草滿庭馨

不羨知門外望光

喜掛王馭水士聯

同學弟陳承琦

蘇姑卮酒捧霞觴

桃片飛來滿座香

更喜萱堂傳火枣



八琅璈曲響笙簧

同學弟吳希潮

春風繞處百花香

青鳥啣雲紫氣翔

座有麻姑臨壽域

風流差許令公堂

同學弟金弘仁

山斗文章舊有名

瑤池韵入紫鸞笙

彌觴座有丁公客

講道庭環魯國生

繚繞春風暖碧衷

霏微曉露盛黃精

雲間玄鶴鳴雙瑞

南極星輝照玉衡

同學弟吳承樞

雅羨高門喜氣盈

相期官政卜鴻名

逍遙臺畔戲斑彩

雅羨高門喜氣盈

相期官政卜鴻名

逍遙臺畔戲斑彩



清白亭前遇紫瑛

桃李森森劉夢得

源流脉脉鄭康成

縈書石室傳杯露

賦就南山北斗城

同學弟趙永楷

翩躚聖鶴舞揚州

海外新籌上海樓

雪藕池邊還躍鯉

水桃盤肉捧新醴

文裁錦繡湘雲管

酒泛葡萄碧玉鷗

崢望龍頭欽碩士

紅塵紫陌聽鳴騶

同學弟吳學藻

學道守精廬

記年應石渠

珊瑚架彩筆

玳瑁裝奇書

簾辟談經座

門懸問字車

廢松臨曉日

細看碧天榆

同眷弟李世傑

簇上林花

香飄伯玉車

歲星館柳宅

榆宿茁槐衙



露染文河彩  
霞披筆海華  
雲璈初叶調  
青鳥碧桃奢

萱卬鶴亭芊  
弧懸欲問年  
開樽推北海  
種玉有藍田

捧檄傳三樂  
披巾晤七賢  
相逢佳節好  
高子醉華筵

春風華渚颺  
閨苑九霞觴  
玉屑芬芸館  
銀毫綴墨裝

庭穉茅子宅  
居號鄭公鄉  
才大齊鵬鶚  
聲高類鳳凰

清談披雨露  
絲字挾風霜  
璇曲雲和奏  
天邊霓羽裳

家傍龍城迎朝旭  
光添蓮燭照一天  
星斗紫雲黃屋昨夜西

又調  
同學弟吳承翰

壽詩

雍正丙午新增



池春鳥過室中瑞氣凌鴻鵠坐繡簾回合碧桃天禧紅玉踈  
籬下叢匕菊虛窓外蕭匕竹聽和風甘雨頓忘寒燠舊日鱸  
鱸推張翰高堂笑語歡心足問此青春火吏流香今朝熟

同學弟吳承幹

鄴侯書軸不羨黃金谷擔八斗文千斛管寧藜榻坐洒墨題  
星鹿詩情麗春鶯啼向南潭菊瀟洒東山趣拋得雲龍逐攀  
柳宅栽修竹歌餘塵拂扇睡夢松生腹華閣內螭匕樂也道

天祿

眷侄胡家麟

雲攸匕水攸匕日上天都露未收琅璈入畫樓讀春秋學春  
秋欲伴香山髮鬢稠先生號楚郢



同學弟吳希清

曉院流鶯聲陸續映瀟灑名花修竹飛燕語雕梁重重簾幙  
種得藍田玉試展輞川圖畫見無限風光擬綠待玉井添波  
瑤池洩露月止琅璈曲

愚甥吳成

又詩

旭日卍堂青 林花巧作屏 梯雲緣問道 負笈爲傳經

河北伊川閣 江西楊子亭 鴻群題嶽祝 喜接歲華星

愚甥吳希鎔

名者實之賓也聲聞過情君子每耻之有其實而名歸焉  
夫亦何愧叔父積行純粹爲當時名公碩士仰止於五裘



初度之辰頌揚懿美實有言之不足而長言之長言之不足而咏歌嗟嘆之忱具見於此者叔父猶以為寔不足以副名欲置不載請之再三乃允後之人覽誦至斯亦可以知叔父實至名彰之大概矣

丙午菊月

受業侄秉璋識

蘇州府...

蘇州府...

蘇州府...

同學弟吳亦壽



輓桐川徐先生詩冊

○引

桐川徐先生捐館舍吾郡縉紳先生與先生莫逆者罔不  
爽傷而寓之詩亦楚之遺意也乃門下諸生若米子允登  
曾子學夔任子家相若而人尤憫亡形諸慕戀於是哀諸  
作帙用代執紼者之謳而以首簡屬之三桂山人山人有  
子頃嘗竽樞衣之列誼不得諉乃愀然而叙之曰夫事三  
之義自有文字以來未之解也昔者孔子春秋一布衣當  
時從遊之士皆德知勇辯超逸絕塵者然獨䟽附一老雖  
跼顛危迫困瘁而不忍去比山頽木萎則竭力襄事茹苦  
築居屢閱涼燠而依歸如夢此其誠信交孚蓋有貫今石



亘古今而莫知其所以爲情者矣卽今學校之設若師若  
弟子雖非孔子之徒然而縟文徒侈衷懇未紓甚至雲萍  
暫遇餼羊僅存嗟七名教之地所關係云何而乃漫然如  
此間有不盡然者蓋道義根於良心本自真切一念小加  
爲感甚異徐先生擁臯吾庠羗二載余曾一奉袂業已諒  
其長厚人也今雖修文員壤而楚之德先生者口之不置  
卽帙諸論撰雖體裁頓殊然總之掄德美寄哀思鮮有不  
出於所感者粵若子淵天而十哲讓賢伯夷飢而史遷作  
傳田橫刎而薤露蒿里之歌至今有餘悲焉是不壽之壽  
不必於期頤也不富之富不屑於千駟也不貴之貴不羨  
乎五等也其生也有自沒也不朽彼貪天工以揚揚溢朝



露而泯亡如胡廣馮道輩非不饗渥寵而逾遐齡然而有  
識者竟指以爲何等此尙論者當有以辨之也先生齒僅  
逾稀而官冷祿儉此可謂太拙然而上承隱君之餘慶下  
貽令器以哲謀不盡之福天固屈之以完厚積簿發之券  
而吾楚人之哀之也其將使後之人之榮之乎

嘗

萬曆七年己卯季春望日

賜進士文林郎知江夏縣事吳大猷撰文三桂山人羅人琳撰

輓寅臺徐桐川先生

歌

天何長地何久人生百歲能幾有哲人英靈天地侔命數所  
值豈全厚我觀桐川君獨秉桐川秀十年劍氣飛星斗一朝



屠龍志未揚自嘆此抱空株守儒官淡且清  
匹馬都門柳課將腹笥開髦醜橫經兩載鵠  
山輝盡道英豪已非舊堂中瞻望新天上  
文星坎兩楹夢奠雲生垢夜光忽隕櫪  
馬驚濟濟英才各回首堦前相向哭失聲  
斯文天喪梁木朽人生豈必盡高官  
吾道苟行畢吾究况君蘭桂叢且芬生香  
不斷君常

壽

余與桐川兄共幄二載意氣流通無異骨肉  
方與交而君已謝館矣痛哉爰作歌以哭之

輓桐川寅兄

詩一首

楚地來遊僅二年豈期一旦遂成仙  
過庭詩禮猶堪紹



華國文章屬後傳  
寒館久懸高士榻  
寢堂已冷廣文氈  
人生聚散如風葉  
徒使塵襟一悵然

次韻輓桐川徐老寅臺  
一夢黃梁浪苑僊  
湖海芳名多士領

先生壽越古稀年  
一夢黃梁浪苑僊  
湖海芳名多士領

家庭舊業後人傳  
招魂頻酌椒蘭酒  
埋玉空遺坐榻毡

悵望高風何感慨  
桐凋川靜淚潸然

武昌司訓文洲劉

先生吳越士  
居然三楚天  
道應存素履  
人似厭嘲員

黃鶴歸何處  
白雲空自怜  
生平猶有劍  
未可掛君前

江夏司訓蘭江包容大



天為吾儒重 奚堪又奪公 山泉晴作咽 臺栢晝淒風

不見文章雅 何能禮樂崇 迨上雲漢月 空照素王宮

郡庠追愴舊鱣堂 神去猶遺絳帳香 不惜宦囊貽計薄 參政曹當勉

獨高雅行擅名長 生憐振鐸方蘇蜀 沒幸流芳並孔墻

春日正蠲芹水綠 令人悽感頌文章

浙水才華舊 如君更擅名 一經來振鐸 三楚競揚聲

道望依然在 文星已告傾 余家蒙雨澤 聞計最關情

吾道憑誰寄 迨上旅襯歸 一官師範在 千里夢寬飛

都御史常居敬



戀闕心還壯 傳經願已違 不堪悲往哲 揮淚思依

同知王守成

故里同之楚水邊 天涯相會復淒然 最怜宦薄還爲客

忽往雲遊竟作僊 苜蓿欄杆空絳帳 杏花春雨冷青氈

玉樓賦就名猶重 跨鶴翩上望渺漫

江夏縣丞武林靳良臣

吳不夫余時庄居偶聞

桐川先生物故不勝悲嘆率爾書此以吊之

此日聞公計 臨風久自吁 如何梁木壞 無禁哲人殂

去去江雲渺 鬼嵬山斗孤 思君一洒淚 明月照生芻

知州郭懋



木鐸南來絳帳新 青衫羸馬不憂貧 草真筆法傳先世

清白家聲遺後人 報道玉樓邀作記 誰能金穴爲傳神

春風悵望宮墻晚 何日西川一薦蘋

武昌知縣方清

吳下衣冠盛 賢才自不群 曳裾將未久 把袂那堪分

黃鶴已無跡 北山空有文 鱣堂頻悵望 何忍見孤雲

嘉魚知縣應鳴

輓桐川徐君短歌 一律

君不見徐君當日趨越鄉深仁厚德留餘芳 長者淳風久不泯 至今後裔多慈祥 又不見浙東山水皆奇絕 秀出人文高 且絮八詠樓頭江海雲 嚴陵臺上松蘿月 桐川先生非尋常



三年持鐸鳴湖湘杲杲朝陽登苜蓿稜稜短褐迎風霜年來  
積雪寒墮指多士門墻空徒倚座中寧有廣文氎脚底尙存  
東郭履楚天一夜文星摧善人不祿真可悲春天幾日滂沱  
雨桃李紛紛總淚垂賢嗣煢煢扶旅襯世間無處逢元振猶  
思遼海鶴歸來空憶荊州人物論

鄂郡同知雲池曾光

輓桐川徐廣文先生

旣仰生前德具瞻身後名  
中心甘淡泊高誼冠耆英  
爲作招蒐賦應怜挿血盟  
延陵徒把劍何日掛佳城  
楚宗室華用

海宇誥賢才抱琴入楚來  
一官猶未久七尺渺堪哀



寥落清毡榻 遨遊白玉臺 可怜池上柳 愁折送行盃

宗室湖藩少溪

廣文一夕夢南柯 常嘆人生若逝波 教擬蘇湖庭不忝  
才傾梁木欲如何 朝彈冠未負三生約 執紼翻悲五意歌  
幸有鳳毛能接武 焚黃他日沐恩多

宗室九峯英綬

廣文抱道向江南 忽報僊遊思若惓 絳帳塵生青史案  
北窓月黯碧雲嵐 傳經心事違劉向 正學機微擬晦菴  
奕葉箕裘應不遠 高攀丹桂屬奇男

宗室江夏王存中堂書

卓爾才名徐樾流 某云胡一夢返丹邱 生前曾抱文章富



無所遺天賦  
大開  
門生任家相

桐川公司訓武昌甫二載卒於官一時被其教者哀之聞

其風者傷之果何道而得此楠嘗聞諸父兄傳述云公秉

鐸後大道為公惟與諸弟子講學論文孜孜不倦一切質

儀修脯絕口不談蓋純乎理而欲悉泯以故感孚無有異

同焉子曰一日克己復禮天下歸仁讀此不信然哉後之

表與者尚其以桐川公為儀型乎

附輓寃溪徐君

一律

平生志氣欲橫秋 一旦胡為賦玉樓 窓下遺編存故迹

州城南精舍作虛邱 峴山雲鎖攢愁黛 泮水風淒感淚眸

殲我良材奚不慙 臨文追悼詎能休

詩  
三  
雍正丙午重修



儒學教諭舉人李司鎮

附先公雜詠

詠石門六觀圖

榮行寧二

石門烟紫暮容寬  
小小谿亭對月安  
秋水蟄龍寒不起

春山磔獸煖猶盤  
玉英半落梅花塢  
錦浪新開柳葉灘

惆悵昔人遊不見  
獨留詩句滿人間

頌咏長衢石洞二首  
榮行寧二

攬衣登勝地  
雞犬境邊分  
雲向高松合  
泉從亂石紛

月華當石峽  
風色度天門  
遺跡先賢在  
超然思欲群

詠又公河階五昌甫二章  
李汝官一  
其始皆文之開

遊到壺天地  
人間兩處分  
岩泉灣曲曲  
詩賦興紛紛



月轉流觴峽 雲開石洞門 山川常不老 今古集賢群

遊孔山

溧

行恒七十五

南宋緣來數百春 山名如故永相因 堪嗟花木誰爲主

不是當年舊姓人

讀宗文簡公請回鑿䟽

全

當年留鑰汴京中 得請回鑿定建功 却恨浮雲終蔽日

徒令千古惜孤忠

步盧一川錢塘觀潮

層樓樓上倚朱欄 咲指洪流縱一看 眼底遠驚鯨良駭

海門高擁雪山寒 帆乘風力過深浦 濤帶雷聲到別灘

怒氣任憑千古壯 清風爭似釣臺干



遊屏山書院

陰陰竹護草堂幽 乘興携琴一到游  
吟對青山尋好句 坐臨綠野泛香甌  
蛙非識字生科斗 鳥爲延賓啄粟留  
把臂花邊情話處 何如仙島與神州

吳山羈旅

懋行泰六十三

南來冥夾已三奧 坐聽江楓響耳嘈  
詩思有伸全仗酒 客懷無賴只登高  
前休嗟行迹飄萍梗 須識天心啟俊豪  
爭得歸舡風滿棹 蘭棹輕迅一鴻毫

大公漁釣

一絲自分老漁川 曾學兵書不學仙  
從此鷹揚歸周後 蟠谿流水自年年



康七公徙居下樓傳

公諱貴字原中號清源行康七世居泮之東宋進士崇祀鄉賢  
次鐸公裔也賦性淳厚律已端嚴厭城市塵囂卜居於懷德鄉  
下樓之勝與郎舅同處始終靡一間言隣里接以謙和遇有是  
非陳於前必據理以解諭無不心折凡所行事質實誠慤不爲  
浮飾以聳人聽觀一都之中仰其風節尊爲約長

邑大夫聞之旌其閭曰雍睦堂晚年間家計日殷恢拓舊址而  
鼎建之不可以數掾計要皆爲朴素規模貽後人堂構之永遠  
而已近地禪院寺觀每樂施捨如靈岳寺公之兄

誥贈文林郎康三府君之墓在其側時僧名鉉勝者募公田爲香  
火籍乃慨然助之僧欲刻石以誌不朽公謝之曰捐田以奉神



也刻石則邀名耳吾所不願其高曠皆如此厥後子孫蕃衍業  
緒孔昌非公之厚德所造歟弘忝至戚不能悉公之詳畧筆之  
以垂奕世俾後人知公始基之美開後之祥云

鼎昔

景泰歲在丙子季夏月 日吉

邑人鄉進士蔡 弘拜撰

不刻之碑與源長同氣故然氣一問言朝里其以猶味豈育長  
火戰公喬也想也朝乳野子歸還類越市塾嵩小邑城寒熱淋  
公籍貫字鳳中機清感行類以卦吾朝之東宋魏亡業脈微習  
鬼小公於是不對新



晉十四府君行傳

丁山六房

聖天余昔受業李仲倫先生門與宗兄諱鉦字世正者同筆硯蓋兄弟而朋友也弟余性頗剛決兄則柔順余氣頗褊急兄則溫恭雍容以禮自持然余得資規勸以故性相反而情甚相契晦明風雨未嘗一日離也自乙卯余領鄉荐壬戌倖捷南宮遂一行作吏簿書鞅掌不一年兩地睽違幾傷將伯之莫助今余承皇上命往按山西御史獄便道抵家與宗兄伸欵曲道情素相見恨晚既乃具尊大人行狀丐傳於余不敢以不文辭謹按狀而傳之公諱泓字孟大晉十四其行也大父贈文林郎惠積德累仁父處士榮醇厚慈祥生七子公居其六方長而高堂幾髦矣公依依膝下承歡未嘗有少間嘗語人曰夫子云一以喜一以懼



以父母之年不可多得今吾父母年及古稀何惧如之故其視  
無形聽無聲者爲倍篤其處昆季歌行葦詠棠棣和樂且耽式  
好從無偶拂鄉党宗族恂恂謙抑雖童穉亦必加以禮貌家雖  
豐裕衣冠未嘗近奢有贍餘必於歲暮酌量濟給課子弟規訓  
森嚴其所以啟牖後生之方卽余亦嘗私淑禪益良多蓋規模  
宏遠積行肫誠枚不勝舉娶厲氏淑慎溫良孝舅姑和妯娌爲  
閨範儀型生四丈夫子長釗儀容俊偉次鋌三鏢倜儻不羈磊  
落超群四鉦卽予契兄也孫男十二悉瓊枝玉樹未可以涯量  
行將振翮扶搖彙征皇路爲

聖天子任職効忠者連袂而登公之潛德幽光其顯揚可指日豈僅  
以予鄙陋之辭爲華袞哉茲以宗兄之請有不容辭故率筆書



此以復之

昔

正德十六年歲次辛巳瓜月之吉

賜進士出身刑部主事

奉

勅往按山西監察御史

宗姪琪拜撰



無形聽無聲以爲信其意也

好德無侮師也示於朝朝于邦也

警衽衣冠水皆也亦有師也

森嚴其所必也

懷卦卦山四盥祭神也

勝者受用也

國奉儀生國大夫子長似

淵數士出泉匪暗注事

契兄也

五爻十六平熾次辛日孤且大吉

聖天子

此以終文之



恒五十九公傳

西南二房

公諱萍恒五十九其行也先世爲邑南愷悌人稟性明敏律已  
剛方少銳志經史尤長於文惜壯遊不偶然性好恬澹厭所居  
與市僧伍迺遷之河北二都蓋別墅所在亦攬其勝也理家務  
以勤延賓客以禮時至則課童以耕稼爲自樂計二都俗尙澆  
漓自翁至悉化爲淳龐鄉曲有不直事咸來質成翁一一剖論  
無不唯匕輸服家素饒於貲善爲樂施尤其天性嘉靖乙巳歲  
大歉民多就食翁出所貯粟千餘石賑之全活者甚衆或貸而  
貧不能償者蠲其本息一時之感激歌頌遍四野邑侯給扁獎  
之初年未嗣捐資勸梵宇奉香火祝之未幾果育賢嗣若秉若  
雅者讀書好禮廣拓基業孫姓繩繩皆其種德所致噫孰謂天



道弗眷吉人耶若翁者固徐氏翹楚亦愷悌之君子真可謂聿  
修厥德無忝爾祖者矣

昔

天啟丙寅夏月之吉

勝巖主人某拜撰

（Faint bleed-through text from the reverse side of the page, including characters like 天啟, 丙寅, 夏月, 之吉, 勝巖, 主人, 某拜, 撰）

（Faint bleed-through text on the left margin, including characters like 天啟, 丙寅, 夏月, 之吉, 勝巖, 主人, 某拜, 撰）



恒一百十二餘菴徐翁傳

丁山二房

徐君湑又名鰲字元之別號餘菴蓋取諸積善餘慶之旨也自鼻祖次鐸公以儒行起家代有令德君幼稟至性惇行孝友甫九歲失所怙悲號晝夜不置色養嫡母母愛之猶已出嘗旅羈百五十里外庶母周氏患疾且革以夢感急歸極力調劑逾數月罔懈有漢蔡順啜指心痛之孝與從兄滌同居以身任其勞友愛如同胞且賦性剛方人有不平事輒爲直之而一隅之中無澆訟臨財喜捨雖罄橐不顧嘉靖壬辰以事之杭遇李記者溫永嘉人也病危於旅君資以舟車藥餌歸養半月全愈後以金帛謝君君麾辭之人或羅以山禽野獸而鬻於市者卽還其值而縱之其生平行誼慷慨悉類此生三子教以義方爲鄉美



丈夫長杏幼穉俱令敦本力穡漸躋豐裕次宗堯令業儒補邑  
弟子員卓卓有聲秉禮尚義文行稱優凡從游其門者三載如  
一日此皆得於庭訓者可知也君卒五十有五人咸謂其有未  
盡之慶足以貽諸後云

嘉靖三十三年歲次甲寅孟夏

百正十鄉進士署東陽縣儒學教諭太和文溪李司鎮拜撰

次類夫視計悲毀畫交不豈可養敵其其變之辭以出皆悲壽  
曩厥大歸公以謝不取宋升合歸我必稟至野軒行卷文甫  
翁春前又各贊字云文限幾翁春益更前蘇善翁靈文首也自



黃姓友松徐君傳

丁山二房

泰廿九府君諱棖字中卿號友松賦性果毅卓犖不群其言語舉動出人頭地人有稍不循禮者輒正色戒之務令悛改而止由是鄉党服其剛直且輕財樂施遇公事勇往當之不以難辭課長子英以舉子業敬師取友誠篤懇至補邑弟子員有聲黌序女適屏巖杜邦文少有質可進館之於室教之若子不幸早世而女能以節終其身次子美異途有成季子黠卓有才望惜天奪公年娶會源蔣氏承公之志守正以卒子若孫克紹其緒公可謂不死也已

勝巖主人撰



近川徐翁傳

丁山六房○泰西十五

公諱繁字韓卿少負岐嶷之質長任幹蠱之勞識見超卓賦性剛介遇不平事母論人已輒力直之且崇尚氣節振立綱常先是族中有新娶者每設席以會宗人計費幾十數金間有爲酒所困因致爭競非詩禮之遺也翁會衆議我家宗祠未創若輩缺典也何不移婚晏之值納之公帑以爲異日營構之資乎衆唯匕乃自從弟楠暨仲子甫始各捐白金數兩倡之時亦有些翁者謂禮廢而祠事未必成甚至罵詈翁不顧卒之日積月累祠宇落成先靈得妥實其發縱指示功莫大焉者也尤善生殖篤于訓子長奎採芹泮宮屢試棘圍幼庶亦頗事筆硯均奇李廣數不能副所望云

子婿吳一鰲拜撰



武昌學博桐川先生傳

丁山二房

泰六三司教府君諱懋字德卿號桐川賦性剛明磊犖奇偉博聞強記蠲貫經史爲文超拔不凡弱冠遊邑庠一時知名士相與上下其論議雅敬服之每試主師獎拔優異補食餼廩雖困塲屋益奮勵不倦事二親委婉無違顏先意承志務得其歡心旣沒卜塋於瑞山鄉望塢廬居其左朝夕悲奠多歷寒暑子姓遷居瑞山鄉甚衆歲時祭拜無所創建小宗祠奉顯祖居焉春秋享祀登降揖讓俾子孫咸知禮教彬彬之俗於是乎成居常以古人爲法不徇於時視有稍不循古之人卽嚴聲正色相戒諭宗族鄉党莫不憚其正直後學有請業者誨之諄乚必使之洞達底裏而後已四方俊彥翕然宗之萬曆元年領歲薦授湖







雲崖徐翁傳

西南長房○泰六十九

翁名諱欖字柔卿號雲崖倉宰西溪翁嫡孫後溪翁泌之子也  
西溪翁以親故締交於御史正夫盧公公嘗以文贈之稱嫩雲  
崖爲克肖成家子雲崖幼穎異而西溪教以經義期遠大之業  
不果委之以家政生財置產業漸豐裕一朝西溪翁病患瘋症  
雲崖朝夕侍奉湯藥行動必以肩隨之扶持臥起衣不解帶者  
無論歲月其事後溪翁也委曲承順不特養體而深得養志之  
道遇歲時節序常痛母氏先逝食不下咽其至孝於父母又如  
此生平嚴於檢身不妄言人過失遇鄉隣有逞忿使氣者以情  
理勸解人亦服其言渙然冰釋萬曆七年冬十月通學薦行誼  
延請鄉飲上賓時







崑溪公傳

丁山二房

泰七十一庠生諱東周字子元復字用卿號崑溪生質英敏自幼穎悟不群習舉子業卽從明師蔣公懷德習舉子業與從兄懋弟宗堯子器相砥礪補邑弟子員負大志該博群經子史每試輒冠多士時以大受期之且其孝友篤於家庭和氣霽於閭里德行文學推重士林天奪之年聞者嘆息生四子長炳次熠季焯俱克光先業三子熈美可進所負延師訓誨命紹箕裘雖數奇弗遇而斯文之緒賴之以延

勝巖主人撰



... 大其... 德生入... ...

張顯而祺文之... 陳文以... 蘇

季... 其... 次... 決... 業... 三... 于... 顯... 美... 可... 豎... 須... 潤... 暗... 指... 命... 歸... 我... 榮... 繼... 姓... 齊

星... 顯... 濟... 文... 學... 繼... 重... 士... 林... 天... 奪... 文... 年... 間... 香... 麩... 息... 生... ...

煇... 輝... 辰... 冬... 士... 祺... 以... 大... 受... 限... 之... 且... 其... 孝... 文... 義... 休... 家... 致... 味... 廉... 露... 飲... 潤

懋... 策... 宗... 奕... 于... 器... 財... 無... 顯... 赫... 自... 余... 于... 負... 負... 大... 志... 道... 軒... 輝... 登... 于... 吳... 齊

必... 縣... 哥... 不... 緝... 督... 舉... 于... 業... 唱... 鈔... 明... 嗣... 蘇... 公... 壽... 德... 晉... 舉... 于... 業... 由... 齊... 吳

泰... 少... 十... 一... 率... 主... 勤... 東... 佩... 宇... 于... 示... 其... 宇... 用... 職... 報... 皇... 聖... 主... 實... 英... 煇... 自

崑崙長壽

丁... 山... 二... 第...



方喬翁令史夫妻節孝傳

丁山六房

公諱欒字瑞卿號方喬泰二百七其行也賦性淳厚自孩提莊重不苟言笑見長者卽端拱若老成人人匕以偉器期之比長讀書窮究義理益恂恂恭敬孝養二親敬兄友弟處宗族以和待鄉党無不克洽學舉子業遂乃承父命讀法爲藩司掾奉職端確方伯雅愛之將北上適父松翁有患公曰古人一日養尙不以三公換况此區匕草芥乎棄之若敝屣日夜奉湯藥衣不解帶歲餘忘其疲困因而遘疾不起公配厲氏痛公之以孝而亡也誓節終身之死靡他邑之人嘖嘖誦之曰妻爲節婦夫爲孝子一夫一婦節孝世間無其感孚於人如此幸撫三孤皆克紹公之德孝友從性真流露非恒庸所能及將來必有其門



問者善人不於其身於其子孫信哉

游擊將軍分巡溫處等州軍事甥男蘭谷吳良知撰

寸出普增然良之孫觀此邑之人貴則謂之曰妻為僧欲夫為

翰帶數鎗忘其楚困因而盡焚不致公謂觀此處人必以孝而

不以三公與此此則曰草莽平棄之昔始風日交奉慈藥亦不

識蘇文曰淋愛之無非上盡父外餘育患公曰古人一日學而

於學堂無不立命學舉于業發也承父命齒其為審何對奉觀

藪背竊發獲野益則則恭如幸養二膳如且丈弟忠宗幾以味

重不吝言笑良其昔唱繼其昔未成人人子以射器腹之壯其

公鞫樂牢辭陳幾式喬泰二百小其汗也煩到戰戰自茲壯其

大喬徐令史夫妻清華

丁山六



雙溪槐庭兩公友愛傳

丁山二房

泮東徐氏濟濟多士盈於鄉邑有諱炳行謙六十四者爲邑庠  
寬溪公之長子也世居泮東幼承庭訓讀書明大義處已端莊  
接人誠敬因縣侯戴公造城風水有傷扶繼母張安人介三弟  
清修處士公愬隱迹瑞山下築於圭山之側地曠林深所居夾  
二水之勝因號雙溪公惟以綱常名教自任會勅小宗祠助資  
報本舍置庵堂恭禮金仙以勸善緣種種美行難以枚舉事繼  
母以孝菽水歡承無所不盡友兄弟怡怡如也處則同室出則  
同行相好若良朋然生嘉靖辛卯十月初六日寅時卒萬曆已  
未五月廿九日申時公將沒與槐庭公永訣曰父母生吾兄弟  
四人次早世我今止遺一孤未痲及痘心甚憂之望吾弟猶子



比兒但慮弟亦耆年耳槐庭公泣曰我存一日盡一日之職忍有異視乎言訖而公日瞑矣娶南岑吳氏賢德著聞綽有內助先公三年而卒槐庭公舉柩與公合葬前山之原復諭安人朱氏曰吾兄嫂相繼而亡止遺一孤寄命於吾我爾年老亦只一子見侄未知孰賢安人一如已子育之唯命與其生母沈氏左右不離姪少時多病至十歲而痘抱寢視藥不憚勞苦年弱冠聘陳氏女以爲配槐庭公與安人喜曰吾兄亡者之憂解吾托孤之事畢矣致還其所遺并累積之產猶且爲之支戶役禦外侮今槐庭公之子曰應啟舉六孫曰宇宙寬容定寧雙溪公之子應璩亦五孫珮璘珪琪玉麟趾發祥克昌厥後兩公之子皆有公之遺而和氣萃於一家焉因葺家譜特書兩公友愛之情



俾後之子孫知所興起而景仰其風云

崑

天 啟 丙 寅 秋 月 之 吉

華 溪 羅 時 鳴 拜 撰

恐天親以木而不良其木於我命取士為世之

中流以慈而慰賞以則勸以教而開所邦則無與而率也

女學外盛以率於世矣然景於一物於於文學之士與景

於隨湖於始主信其去而士勸擇其始則數容育石氣

于業而後歸也率後于員貫津滌史滄平百宋水善於險于工

取籍空甲與中照熟泉世亦縣實擬日不孤矣夫奇文博以

西華誠泉命其外

傳

三 雍正丙午重修



邑庠應泉徐君傳

丁山六房

君諱奎字明中號應泉幼有穎質過目不忘父大奇之訓以舉子業弱冠補邑庠弟子員貫串經史諸子百家尤善於鍾王工於詞賦每試主司屢先諸士應對英敏禮度雍容有司每敬憚之嘗授經以率後進翕然景從一時彬彬多文學之士場屋幾中式以數奇激賞乃抱憤外遊歷涉關河抵幽燕疾發而卒嗟乎天賦以才而不竟其用得非命耶士論惜之

肯

天、啟 丙寅 孟秋 月 穀旦

歲進士吳良能拜撰



謙百八十二隱君傳

丁巳山六房

天余自乙丑謁選叨除吳寧二尹時住都門查嘉靖乙丑幽錄知  
虞部成庵公係先君同門心竊喜之蓋獲見先君年家子猶庶  
乎見先君焉迄冬抵任謁其門老者皆黃髮人瑞少者多青雲  
國器庶不失名公之後今歲蒲之月年家子諱有級者造余公  
署請曰寒族叔祖聰年將耄期而隱德備著舉邑拜其下風方  
今有葺譜之役愿乞一言贊之以垂不朽余曰隱君生平非余  
所能贊也然又不容以贊辭爰據其實而筆之君諱文聰行百  
八十二先世築室泮宮之南緣人稠居窄卜宅於圭山家計日  
殷拓基闢址肯堂肯構其事二親則菽水承歡塋祭合禮其處  
昆季則壘篋是協友于無愧遇凶歲道瑾相望每出粟以賑飢



人一方荷生全者無算三王嶺爲邑通衢其徑長而且峻至止  
莫不患渴建憇亭四季施茶濟之往來者交飲其德都內偶有  
囂爭則善言解息爲之兩平其心受人產不無請益者輒出少  
許遺之有范文正公風頃以高年逍遙泉石慕七賢之蹟蕩已  
如也諸凡善行不可指屈斯直其大畧耳公配劉氏事翁姑以  
孝聞處妯娌以和聞生丈夫子四皆賦性明敏識量過人孫允  
抱倜儻之致異日足以大振家聲者也君之種德備行信有光  
於鄉國寧區此一譜牒間已耶余於是述而序之庶盡年家之  
誼云

天  
余啟  
丙寅  
夏  
月

知吳寧清軍事年家侍教生游元沐拜撰



汝周處士行傳

丁山二房

君名文翰字汝周謙百九十三其行泰八十一生庠公之長子  
恒百十二公之孫復九公之裔孫也幼有敏捷之才長稱淳厚  
之士父母年髦奉事得其歡心敬叔伯極其遜順和兄弟盡其  
惠愛至於起家以勤儉連阡連陌肯堂肯構時人羨之凡有宗  
祠公事向先身任不私於已議置康三公祀產多方設處盡心  
力而爲之故通族立爲宗長明可對天地幽可質鬼神待親明  
禮貌周浹無戾無忤尤愛斯文不但父執厚以款待卽少年英  
俊亦珍重而培養焉娶杜氏早世繼娶陳氏能內助能勤敏生  
三子曰本曰任曰俸課之詩書率之禮義人欽其和藹春風士  
樂其溫良德性年逾古稀保養天和有鶴髮童顏之徵而且子



賢能孫挺茂非公之善行何以有此餘慶乎余忝姻戚情不容  
辭道公之德述公之行而景仰公之德行洵所謂盛世之天民

也亦何重而敬養焉妻林氏早世繼娶劉氏翁內如翁體

斷肯則爽無異辨刊武受祺文不卧父特厚利焚翁明之學吳

天啟啟丙寅菊為月吉和且天賦幽百風思慨發

厥公事何法表不姪元陳懋倫文拜撰

惠愛至然城宋以健愈惠刊數創肯堂君善人美文此有宗

文止父母子學奉舉其精心婚媾日赫其緝則麻只集蓋其

師百十二公之孫於公之裔孫也也育婚對之卡是無事

天孫谷文傳字也風蕭百六十三其行泰八十一主率公之是子

好風嵐士不勤改山二軍年家侍教生游元沐拜撰



祖父合傳

丁山六房

庚午之歲纂修家譜盛叨濫其中方搦管時忽念及祖父間有  
一二軼事嘖嘖在人耳目者今不錄之懼無以錄之也於是不  
辭鄙陋撫其生平所爲一一傳述非爲身後名亦以示後世知  
所觀感云

祖謙百九十七也爲人孝友性成氣度凝定久與之處未嘗見  
疾言遽色里人莫不信之聘厲氏早世娶吳氏艱於產育心情  
耿耿恒有無後爲大之嘆一日適市拾有白銀二十兩問之前  
途不得其人詢之後路不得其人携歸候尋失主其人果奔到  
家驗其包封稽其目數隨舉而還之其人欲均分不受自後破  
人之券濟人之急人有被其容接者莫不仰德而思慕行年六



十再娶賀氏而生父

父咸四百五十七自幼穎異六歲入小學十五歲能屬文治書  
經遊邑庠習舉子業漸七齊家之責萃於一身不容少休事繼  
母吳氏溫清寢膳靡不周至稍有微怒下氣怡色必待其霽而  
後止否則不安蓆也是以家庭藹然人無間言通庠金榜元等  
上其狀

劉道臺給扁旌揚歷二十餘年承歡彌篤亡何吳氏告終一  
惟禮是循泣血三載卜葬於六十三都桐川之里扶柩附阡合  
祖墓而封諱見山川盤桓汜可棲遲遂築廬居焉於斯地也塘  
有魚山有薪可以養生朝聽鳥暮澆花可以怡性爰居爰處不  
事老子浮圖其冠昏喪祭必稽古乃行男就耕耘女工紡織宗



族里聞以恩懷之然天性真慤行人所難坦然不見崖異視富  
貴泊如也時與葛君君實外弟中芝飲酒吟詩遊不計日坐不  
擇址隨其所至而莫不適愜洵暮景之最樂者也所著有娛白  
集三耆圖說書經解稱頌於時焉父年八十有一母葛氏年八  
十有三同歲而逝合葬西金之後山四子八孫曾孫濟濟非積  
德何以有此

盛曰世風趨薄人心剝蝕殆盡爲問臨財毋苟得者有之乎爲  
問能盡事親之道者有之乎殺越不畏世不乏人拾金還主高  
義昭然以視見財起反意者大不侔也若夫事親極難而事繼  
母爲尤難大舜不能及也申生伯奇稍有間焉孔門稱閔子之  
孝以其曲體親心蝸蝸洩洩於一家之中而使人欣慕之故無



間言也故知以義為利吾祖有焉得親順親吾父有焉盛也恨  
禿管未靈無能錄其萬一姑以所聞所見者約畧叙之以愧夫  
人之不顧其親而以利為利者

康熙庚午秋七月中浣之吉

振盛敬誌



謙二百六十二公傳

丁山六房

公諱文壽謙二百六十二其行也爲贈兵馬康三公五世之孫  
泰白七十五公子也端方正直自幼稟庭訓好讀書容儀整飭  
天詞氣峻嚴人望之而知爲徐氏千里駒也及長禮貌言詞恂恂  
如也與人終日叙談無一謔言處家庭中事親孝謹與諸兄弟  
友愛至老益篤里族人多負氣不相下動輒爭競小則毆詈設  
酒陳殺以冀其屈服大則經公破產以申其不平往往有之而  
公處族中可合則合不可合則杜門不理由是而終身無尤怨  
無乖戾繩矩尺步毫無隕越城市不入公門不造高蹈遠舉渺  
不可及而林泉邱壑自足栖遲三代之民也邑侯貢公聞公隱  
德請爲飲賓就席之期邑中咸以得人爲快太守林公亦以月



且見推賜冠扁而旌異之烏紗白髮榮耀閭里而謙退益篤至  
於堂構紹祖宗之賢拓產爲後嗣之慶此特公尋常事耳娶厲  
氏賢淑慈惠凡閭內之事舉克承之允爲賢配二子嵬曠氣度  
從容克盡孝敬綽有公之遺風焉今族內修葺家乘令嗣請余  
爲公傳余不文稔知公之隱德不辭燕鄙而爲公約畧言之如  
此

昔

天啓啟丙寅之夏月

赤城澹可邵居鼎拜撰

公



泮東世德堂少山徐君傳

丁山二房

謙二百六十六

泮東徐氏爲東邑望族也其先世積德累仁開拓基業而子孫輩多誦法孔子珮金縉綬代弗乏人厥祖諱湑考諱禔皆潛德弗耀公承祖父之休世修其德罔敢失墜其行事大都光明磊落慷慨軒豁勿沾匕以自守亦勿縱恣以自便言行爲人之實德也公之於言若訥而所行事常過之孝友爲人之恒德也公之事親以孝而于弟又鍾愛之財與義每相妨也人履之則利爲重而義爲輕公則忘利仗義遇有急難相告傾橐不吝也公與私不相假也人營之則私爲甘而公爲苦公則大公無私每有公舉竭厥心力不辭也自弱冠推重鄉隣會舉約長衆謂其廉直勤敏具名上之邑侯侯報可幾二十年凡移風易族排難



解紛之事不以勞計時國家東西多事縣侯奉檄催科速若星火鄉隅督任約長公奉法唯謹不敢緩延公事以拂邑侯亦不卽以法繩諸里戶惟委曲勸諭貧者苦不能充腹而多爲貸賍不問其償故數千金之產揮霍自如且反爲稱貸以急人之患難此其天性所鍾要非勉強支持以塗人之耳目也居常延師課子禮客邀賓迨無虛日四明瀚海屠君爲廣文與公交厚題其堂曰世德蓋以公家祖父積累而公又種德以遺子孫者也昔于公爲廷尉有陰德知子孫必有貴顯令高犬其門以容車馬公有世德子孫異日佩金綰綬紹述先志而此堂當與于公之門共傳不朽矣公生嘉靖甲子年六月十六日丑時卒萬曆丙午年九月十四日未時娶大盤孔氏溫柔賢德貞淑慈祥主



中饋勤女紅爲賢內助誠閨闈之有德者耶君五應唐應虞應  
夏應殷應文孫男欽麟欽麟欽麇欽龍咸敏明特達克振休風而  
長君應唐慮公之德弗彰請余傳其事跡俾子孫登斯堂也世  
德作求紹衣先業庶不負先人之令德哉君諱文祿字學中少  
山其別號云

皆

天 啟 丙 寅 仲 夏 之 吉

赤 城 澹 可 邵 居 鼎 謹 撰







咸廿八公傳

西南長房

公名應籤字惟祥別號瑞陽爲楊州通守公之裔祖椿父文光  
皆讀書不享壽公生甫九歲厥考早背育於安人嚴氏稍長教  
習詩禮安人時篝燈火期以光顯先業後以家累不遂所學惟  
勤敏治家與弟奎怡怡友愛愉婉奉事不拂安人之心後公成  
立安人以節稱奉司院表揚公恨無力建安人坊表惟歲給米  
帛以享安人然日夕孝養無一不先意承志安人暮年亦自嘗  
喜曰我昔不能從先人於地下偷餘生以有今日者爲有此兒  
也今兒能體我心孝養不違則我之願畢矣又撫公背曰爾恨  
不能以功名顯爾兒必有顯者後公長君果游邑庠有聲於時  
公素性好交結善類引進後生在鄉党恂恂禮讓里族有事排



患釋紛秉公持直舉爲祠長言行足以服人且兩修族譜歷事  
勞勤有功宗族娶斯氏中年相失鰥居三十載不娶一念言及  
泪搖匕下也公事孀母以孝處夫婦以義而嚴安人砥以冰節  
勵操一門之中倫理綱常皆無忝也生四子長有欽邑庠生次  
有銳有鎮有鍵皆濟濟英畏而孫男輩玉立堦庭公含飴弄孫  
掀髯自得亦林泉中之高雅者今值續修家乘公之弟姪輩郵  
寄請余傳余謹叙其蹟以道公之梗概云

天啟丙寅歲中秋吉日

湖州府學教授前東陽儒學司訓會稽錢佑拜撰



耆碩咸四十一惟儀公傳

西南長房

公諱應鳳字惟儀謙五十六之次子也祖泰六十九公皆積善好德至公生而沉厚篤實於紛華靡麗之事一無所染惟是敦本節用蹈矩循規或以非禮相干必委曲推解是以人亦服公雅量而不敢有負乎公者諸郎君各以職業自樹勤敏特達皆天克紹箕裘至於逸蕩驕侈市井態無有也總之公能承先人之德而不負於先人故諸郎亦能心公之心而率公之家教益以昌熾其業也孝敬相承家庭和樂秩然藹然古人所謂和氣致祥於公家不可俟乎晚年含飴弄孫酌酢往還皆委郎君而公益得以徜徉自適矣娶何氏勤於女紅克盡內則于公姑妯娌間各盡其道闡範之賢皆嘖嘖稱道不置生四子有錠有鈇有



江東傳記卷之六  
鉞有錦森森蘭桂濟濟庭堦諸孫輩又皆岐嶷秀雅行且露其  
頭角而足光大乎公之門者適公家修葺家乘諸郎請余傳公  
之事余不文烏足華袞公之盛德但不負其所請以所見聞者  
筆之於傳俟後之觀者知感慕公之高風云

昔

天啟丙寅歲次季春之吉

恩選進士安文陳懋倫拜撰

本會以器取節於公以非器於公必委曲辭謝以入或謂公  
天啟癸丑公坐而致其詞以爲公辭謝於公一無所樂非其意  
公辭謝於公坐而致其詞以爲公辭謝於公一無所樂非其意

書題刻四十二冊贈公



石屏徐先生傳

丁山六房○咸四十三

先生諱應元字惟善別號石屏耆碩謙七十七之長子蓋婺之  
白眉也神清而秀貌古而朴度厚重不浮修舜禹之行飭於昭  
無墮於冥嚴於晝無愧於夜左規右矩有廉隅不可犯居城市  
緘塵弗染超然有濠濮間想起家唯節儉不乘杙闔捷隨俗作  
雖刃伎倆事父母至孝右左奉養多孺慕意雖甚繼述之英咸  
遜其一席地胞季早逝嗣子呱匕無能爲撫之如已子訓之成  
立於所遺貲不利其分毫與人語和而有禮出肺肝相示絕去  
蓋藏凡人有求之者能應輒應之不則婉謝必不遷延使失望  
或遇顛沛則匍匐救之雖捐貲所勿恤至有詛詐無端以阡陌  
故叩索者不辭至再至三理論曲處令其心折崇儒重道得知



名士則爲之剪燭呼金談員竟夕不止敦修雍睦聲光流浙東  
西間不啻九里潤而千樹陰與士大夫游見者恒雅重先生焉  
噫若先生者不亦曠代一偉人也哉娶安文陳氏溫柔淑慎生  
子三曰孚曰學曰存皆棟梁偉品奎壁仙才芹藻不足以囿之  
而况諸孫濟美輝映如洪德洪福洪祿洪澤又不可涯涘測歟  
先生於是乎不朽矣

肯

天啟七年歲次丁卯孟春吉日

賜進士第工部主事

眷侍教生金肇元拜撰



天淵  
咸八十二華封公傳

丁山二房

余惟士君子處明盛之世其出其處惟遇而已遇亨而出出則兼善固足不朽遇遯而處處則獨善亦足不朽有志者當自得之要非後役世勞蠅頭蛙角之輩所得窺其涯涘者泮東徐氏爲邑右族其裔有諱應祝字惟敬別號華封者廼先達廣文先生桐川公之孫謙五十三公之子也幼習舉子業聰穎特達英俊器於時屢試不售輒謝去每自語曰余聞諸夫子曰隱求志行達道聖賢出處大較也通爵叙祿爲仕之奉而義不在焉今夫仕之比義者常寡若又弛其職而托於隱以自遣隱之高其志者亦不多若又假之以爲終南捷徑其疚不亦甚乎觀公之言可以知其人矣公外質而中亮貌柔而心勁氣概英爽度量



開豁所見洪所持介榮辱不能驚其心伎求不足撓其念行求  
不愧影寢求不愧衾不屑匕與世人同奔走坦然於衡門考槃  
之中抱膝支頰詩酒自娛神清慮淡一似春風沂水無遺堯舜  
君民者至於孝友居家謙厚涉世好賢禮士睦族朋隣崇祀先  
祖佑啟後人咸表表在里党中者邑侯貢公聞公高誼虛席賓  
請通邑僉謂此舉得人而公叨此盛典爲宗族光益見公之隱  
德足堪不朽矣而出之與處志之與道又何論焉行當與武林  
蘇門諸公同一梗槩以標高蹈之致而碌匕世俗烏足以定公  
之品哉配金安人慈祥賢淑有鷄鳴風令嗣欽意英特秀雅克  
大公之門者併書之以爲將來告

天啟丙寅夏月吉日

眷弟郭逢淳拜撰



巡司蘭坡公傳

西南長房○咸百廿八

天泮東徐氏爲邑右族其人多以功名自見讀書而邀青紫之榮者代不乏人有厄於時不得伸所抱負而納粟補掾冀得一命以舒夙負亦有志之士所以展其生平之大概要不可以窮達論也蘭坡爲楊州通守公之曾孫自幼卓犖不群讀書思以紹先業因不遂厥志補掾曹廉靜寡慾上官器重之其公直敏愼不屑仕於卑瑣曹郎中迥無若公者兩考滿循例上

天官謁選南直高陞典倉大使陞寧國府巡司恭勤清介有若曹郎時而老成練達爲過之今值聖主當陽用人若渴行當不次推遷未可以資格限也公考謙三十二公先亦補藩曹考授經歷歸隱不以功名顯至公能紹述其志而且光顯其先此公



所以為賢也至於處家之孝友待人之誠信好賓客睦婣里又表表在鄉族中者娶南岑吳氏續俞氏又娶梅氏三娶皆得賢配以佐其不逮所以益得勵志於功名而無內顧之憂郎君皆敏達知大體有公之風焉今值葺修宗譜適公榮任寧國家長惟賓公與公兄弟而莫逆者請余為公特傳以揚其芳徽余素知公者不敢辭聊述其大畧云公諱應桂字惟芳蘭坡其號也若仕途之贈錫與撫民之德政秉如椽者自能華袞余不敢多贅

昔

天啟丙寅夏其月之吉

鄉公進士 崑山趙明鏡拜撰



天淵西咸百四十六見吾公傳

西南長房

徐君見吾爲楊州別駕公之裔孫也諱應詔字惟賓行咸百四十六爲謙九十二公之仲子也家世誦讀箕裘相紹公生而磊落資敏過人讀書期以青紫耀先德屢試不售喟然嘆曰天不欲以功名顯我也豈遂泯也轉思立德立言立功之語而見功名猶其後也吾家自始祖肇基世有明德至今子孫葉萬多食祖報當吾世而不修明先業上無以紹弈世之家聲下無以啟後人之基業可乎於是敦倫仗義樂善好施處鄉黨間懇也歎也言無妄諾行無錯趾遇人有不平事公或廉知情事如身在局中不直不止以是解患釋難里中倚以爲重二親在堂公朝夕侍養隨所宜適公不敢違獨力承歡纖介不煩諸昆季二親



繼故喪葬一從其厚且捐已地以爲窀穸亦不費昆季之貲父母之遺產纖悉必與兄弟同至於生而事死而葬則獨任其勞且與諸兄弟怡怡和氣相好而無相尤至老而友愛益篤公之孝友天成如此長君有聞讀書負大志以公年老不忍以家事遺公遂棄書而董理家政器度才情有公之風而公得以優游泉石脫跡塵羈興至邀朋呼酒聽鳥觀花機趣天然至於理宗祠修家譜與諸家長多殫心力若公者可謂立德立言立功之交著者也娶南岑吳氏性度溫柔舉止淑慎孝公姑和妯娌蘋蘩之奉井臼之操閩德稱賢允爲公之良配例得併書以爲後

人模範云

天啟丙寅之夏

鄉進士眷生王元德拜撰



咸百八十一處士傳

丁山三房

吾

叔諱應儒咸百八十一其行寧二公六世孫謙百廿五公長子也氣體魁梧質性堅毅幼有亢宗大志習武舉業精通韜畧卓乎瑞山英俊且處世周詳持已正直凡有公事先之勞之不辭况悴力足以持綱常才足以當艱巨有安文陳姓與族中爭山頭塢界構成大閩恃衆糾集兇徒千餘侵凌我疆圍繞圍四周族中股栗獨叔挺身向先囑父兄子弟曰我祖寧二公係贈兵馬康三公子宋崇祀鄉賢次鐸太公之裔豈堪受此戮辱蹈城下之盟乎遂奮不顧身執械冒鋒以一當百所向披靡卽身被重傷而陳氏之倒戈曳履亦難保全而歸矣夫戒之在闔而逞



氣恃勇非風俗所尚第以其持綱常大節當艱巨不畏亦烈丈夫之所為而通族中所沒世不忘者故列之於傳以告後人云

馬昔三公子宋景公孫也

天憲啟丙寅菊月吉日

有英

撰

撰

撰

撰

撰

天憲啟丙寅菊月吉日



爲前美勿彰莫爲後盛勿傳爾祖非無善矣從而繼之從而光  
夫之爾之責也劉蜀主云勿以善小而勿爲易云善不積不足  
以成名爾但使隨事盡力勉強爲善居廟堂之上則恩被兆姓  
處江湖之中則澤波里閭能作大轉移氣運人爾祖之善必有  
益彰者矣天地昭布其報施善人必有日積月盛者矣余欲表  
先人以爲後券也故不以樸櫟辭而道其約畧

音

康熙歲在庚午桂月之吉

眷姪趙正霖頓首拜撰



素風蕙芬奕于林日之吉

春致蕙芬奕于林日之吉

昔

决人以爲終參出姑不以對燃編而鼓其隊畧

益漳善矣天此即亦其辨故善人必育日蘇且盈沐矣余於夫

氣耳勝文中限署宛里間韻并大轉逐辰要人爾脈文善也亦

以效余爾助契翻事盡代此雖爲善吾南堂之士限恩亦非擬

大文爾之責也燈學主云以善小而於愈易云善不赫不以

爲前美也漳莫爲終盈於軒爾脈非善矣於而繼之於而光



碩德咸三百八十六鳳梧公傳

丁山六房

翁諱應豹字蔚然而鳳梧其別號也考謙二百二公艱於嗣配屠氏最賢歷置側室卒無育晚乃勸考求娶王氏而誕翁焉自幼仁孝善體親心稍長尤能先志曲承性寬厚無城府凡存心接物一本於至誠喜讀書有大志屢試不售遂廢業而圖郡掾以爲進身之階夫士人讀書稽古以詩禮自遵一入公門未有不移厥志者乃翁之在郡時資糧悉運於家錙銖無染於世其志已異矣及爲刑曹固司盜賊主死囚最爲慘酷他人處此非假舞文以射利必挾刑威以攫金孰有憐非辜而代爲請命者惟翁惻然傷之爲之曲伸解救而含寬之聲稀寬其桎梏而哀楚之音少而且賑粥施茶以濟飢渴延醫覓藥以救疾疫使乖



省喪氣訢控無門之囚欣亡而有生色群相告曰吾儕何幸逢  
此佛爺出世郡人見翁謙謹廉仁咸謂寬厚長者母論知與不  
知悉以老佛稱之以其踈財厚義借公門以修真行從利徑而  
布慈惠者也在郡三年知時難伸夙志遂歸而課子廸以詩書  
督以義方每誡之曰吾家世忠厚寧拙樸毋佻巧不可恃能以  
壞祖父遺風至於敬耆德重儒修敦戚誼篤交情睦族而和隣  
濟危而解紛尤爲顯著云娶義烏柘林駱氏駱固甲族而安人  
賢淑勤儉恭慎善事舅姑使兩姑各得懽心每勸翁積善爲子  
孫計內助尤多焉長子駿達名優鬢序次有權克振家聲二女  
俱適名門孫瀛元洪徽瀛鼎遵世訓而思光前烈曾孫懋謙懋  
誼懋讓雖在襁褓而眉宇秀朗知爲英器行見後裔之昌熾歌



麟趾而慶鳳毛者可於翁之德而預卜之已翁之冢君與余同  
憲契友稔知翁之積功累仁乃述其生平實行之彰彰者固非  
腴詞以增美也後之覩斯傳者知仁人君子之用心隨地皆可  
以推恩奚必縮銅章而始著哉使翁而得縮銅章也則抒其志  
以利世諒非淺鮮矣吾爲翁傳之以垂裕不朽尤爲翁惜之以  
昭示來許云

昔

康熙歲在庚午孟秋中浣之吉

貢監生考授州判署閩泉州通判眷姪吳良森拜撰







晉書 豫七十七公行傳

丁山 大房

泮東徐公諱有學字先之又名仕資者咸石屏公之仲子乃人倫之山斗也其父早逝而母孀居臨父喪而哀毀骨立三年未嘗見齒事母孝敬兼至左右就養無方至奉長兄以恭撫幼弟以恩其家業田產不第均之而且任其取予也尤有堪羨者夫婦最人所燕昵公待以誠動以禮相敬如賓焉余祭祖東邑舍弟嗣彬乃公之孫楣也備言公之盛德焉夫綱常名教風化所攸關砥行飭躬韜軒所樂取父子兄弟夫婦間諸大節求之古人中能如公之克全而無虧者有幾哉故當日攻究舉業文品清越可宗冲齡卽蜚聲鬢序聲名藉甚先輩期以大就乃數奇屢困棘闈至乙酉始登恩選至今瓜瓞綿綿厥後克昌皆所以



報公之盛德而衍慶於無窮也余雖未見其人而聞風興感故約畧爲公傳云

賜進士出身翰林院編修典試河南主考新昌陳捷穎侯贈書

豫百五十瑞字公傳

丁山二房

翁諱欽忠字守心瑞字其別號也泮東名進士子器公族賦性公正其與人也鯁直故凡其爲人謀與人之有所商畧必一一盡心焉如其干以私也則艱然怒見人過卽面諭之人或怒勿顧也鄉井間咸輸誠敬服焉欲有所赴愬者不之公府惟公之言是聽邑大夫聞其公直也特請爲都社長者獨惜其不圖仕進第終老林泉焉倘令大展於時詩所謂不吐不茹不畏不侮者何多讓耶季郎君錫嘗與余游因得略聞其概是爲傳



豫二百六十六府君行傳

西南長房

昔楊伯起性公廉子孫蔬食步行或請開產業答曰使後世稱  
爲清白吏子孫不亦厚乎然而清白吏子孫未有不克昌者卽  
如徐君諱有達字道之乃咸二百八公之三子而歲進士楊州  
別駕公之孫也幼失所恃營上靡依賴有伯氏撫字鞠育稍長  
遣就外傳聞詩聞禮兄旣視之如子君亦視兄若父然而尤堪  
羨者孺慕出於性生其源本之思未嘗一息稍懈暨配厲氏克  
勤克儉相厥夫子家政肅然可觀舉三子長洪翰次洪幹季洪  
朝各自成立無一游惰廢業者而其家道亦漸裕然絕不私其  
所有感宗廟之將頽劓議修葺之旦夕洒掃務使庭無蔓草復  
議田若干畝以充祭祀又立祭範若干條以規一家蒸嘗之禮



立拜儀若干條以規一族秩序之禮宗戚鄉里有顛連者必推  
所有濟之橋梁道路有傾淖者必出力經理之見義勇爲大多  
類此晚年與諸子弟型禮讓敦道德一門之中藹藹怡怡而族  
稱孝党稱弟莫不交相推許樂得清白吏之有賢子孫也天之  
報施善人亦云厚矣易曰積善之家必有餘慶詩曰子子孫孫  
勿替引之徐君之謂也夫

嘗

康熙歲次庚午菊月 日吉

文林郎眷弟金懋乘拜撰



豫三百八靜之處士傳

鶴亭派

余族自泮東遷居各鄉者不一地要皆克繩祖武雖歷代久而流風餘澤猶有存者河北四都街亭先世卜宅於茲由來舊矣長江沃野樂利靡涯子孫皆得以耕鑿養其身而適其性至所彌愷悌君子則莫如靜之靜之諱有錠行豫三百八余族伯父也天性仁慈儀容俊偉自幼不與俗伍厥考期以大就緣時遭兵燹不克有成乃解體世紛結志區外定跡於寂寞之濱以自安和順內涵英華勿外發未嘗與人鬪智角才所謂依世尙同詭時則異兩無有也藝桑麻畜鷄黍烹葵剝蓼以奉高堂有贍餘悉以與鄉党中藜菽不給者嘗語人曰人生何多勞悴孳匕爲利以遺子孫未必能守刻取人以自厚後亦不昌焉苟止足



事父母下足畜妻子以有餘濟不足吝惜奚爲以故當時之沐  
恩頌德邇無異言遠亦如一生平無一私念亦無浪語間里有  
凌競兩持牢不可破者以淡言勸之必底於渙釋乃已否則雖  
匍匐不憚勞一方賴其排解不至有訐訟公庭事太邱彥芳之  
譽鱸炙人口蓋其仁心感人相觀自化也晚年優游林壑逍遙  
於禽魚花月之下世味物情絕無心焉饒有靖節先生之遺享  
年六十三而卒娶陳氏和順惠柔克相夫子以成厥德生一子  
洪玘敬承庭訓大振家聲孫男三皆玉樹瓊枝規模更弘遠論  
者莫不以爲愷悌君子受祿果不爽也余故爲之傳其積行之  
實以昭茲來許云

雍正四年秋八月中元穀旦

族姪洪楠拜撰



庠生開甫先生行傳

豫三百八十一  
○丁山六房

昔叔祖父錫之臯比泮東余嘗就課館中與徐君奉玉交最深  
文典同酒興亦等厥後受知於汪大宗師同年遊泮際遇未嘗  
不一也自丁酉倅捷鄉薦赴都禮試邸寓有年兩人遂爾參商  
今春邑侯請余主義學師席晨夕往還猶同堂課業時一日過  
我出令祖行述語余曰寒舍續葺家乘先祖潛德爲我傳之以  
永不朽予雖古體未嫻然若祖卽予祖不文奚辭乃傳曰公諱  
有正又名振盛字開甫上庠仁儒公子也仁儒公生四丈夫子  
而公居長教習舉業弱冠以書經補邑弟子員爾時纓綬之彥  
紳佩之士閱其著作僉以爲心明通亮韵宇宏深文品學業爲  
通庠翹楚後學裁成甚衆性敦孝友厥考喜恬靜就居桐川別



聖樂酒行吟隨意所之奉几杖以從左右就養視聽於無形無  
聲中無幾微少拂友愛諸弟旣翁且耽庭幃中怡怡秩秩且氣  
體厚重言辭簡默無失言無失色不特譁浪不聞抑且喜愠不  
露晚年避跡下樓棲遲泉石與葛君思偉樓君君任諸友携手  
談心或臨流賦詩或陟嶽長嘯而勢位富厚視若浮雲也蓋淡  
定寡營從無經營家室私計未嘗有市恩沽名心腸布衣韋帶  
飄然物外其風規有可望而不可及者然廣大者其量而中正者  
其揅澄涵者其天而立達者其心如修祖廟正祀典惠宗党矧  
貧乏拾金還主動聘全婚善行種種都從仁義道德上做出難  
以枚舉公殆所謂南州之賢喬鳳閣之異士也至若庚午宗譜  
之修筆削獨任其手澤之遺昭如星日無俟余贅娶上侃金氏



淮安守府

公女也恭儉仁慈柔嘉輯淑佐夫子聿成厥德

且與公齊眉偕老撫杖逍遙人皆稱爲立地二仙生一子元龍  
二孫長秉珪次秉璋卽余友奉玉也已克繩祖武振家聲日暮  
事耳而要皆公積厚之蔭慶餘其所固然余又何容作祝嘏腴  
辭哉

昔

雍正四年秋七月下浣

丁酉科舉人候選知縣年侄李秀會頓首拜撰



蘇五四卒煇少以不宗  
丁酉採舉人外發喉燥手到李表會期首我

貴

編始

事耳而嬰普公蘇烈之菊墨翁其祖因祭余天所容於厥斯  
二紅身集挂穴乘章唱余表奉王以山文縣撫九琳家韓且暮  
且與太齊員論未燕好戲致人皆縣為立此二山此一千示  
批安守批 公文出恭劄二蒸蒸燕轉此武夫千筆風烈



豫四百廿五錫之庠生公行傳

大處

嘗觀世之作傳銘者或得傳聞或承請托而溢美浮辭滿牘鋪  
陳按之其寔則皆未必然余叔祖諱有珪字錫之爲宋進士崇  
祀鄉賢世祖次鐸公嫡裔秉性靈敏讀書過目成誦窮極性理  
不徒以帖括見長補邑庠屢試前列當時以宿學稱之惜遭兵  
燹流離顛沛不獲展其懷抱公會不以此介意也惟依依膝下  
朝夕承歡於二人之前及厥考辭世家雖落喪塋祭必致其  
情不敢稍有愆節其奉萱慈也愉色和顏甘旨備將厭城市塵  
囂避居於寬北幽靜之所鯉可鱸不待臥而躍筓可嘗不俟哭  
而具且時效斑衣之舞猶孩提孺慕一般甲寅草竊蜂起民無  
寧居公扶杖肩負頃刻不離遇虜憐其孝而釋之此事尤嘖嘖



人口者晚年惟開門聚徒衍朱程之學啟牖後進沾化雨而成  
名儒者指不勝屈公生於崇禎庚午二月十三日午時卒康熙  
壬戌十月十五日戌時享年五十有三娶崑北周氏雍容賢淑  
敬戒無違其和丸畫荻饒有歐柳徽音生一子洪晟溫文爾雅  
謹慎謙冲皆其得於庭訓者深也孫男懋仁懋仕有寧馨之譽  
將來未可量余生也晚不及見公之行事亦似有出於傳聞而  
請托者然以重葺家乘叔洪晟司任剖劂余以庸陋亦廁身校  
訂之列晤對已久與余備道德行實有難以湮沒者乃不辭燕  
鄙而爲之書其大概云

嘗

雍正四年歲次丙午陽月上浣之吉

從姪孫懋謙拜撰



東齋居士行傳

丁山二房豫四百五十四

徐氏自中書公始遷泮東越今二十餘世邑中無論老與幼莫不交口稱爲淳厚族蓋世德之承於今猶烈也余少時偕徐君有爲從慈水張先生肄業借館祠側見聞甚悉且與君晨夕俱知君甚詳厥後每一念及猶昨日事曾幾何而君之郎又從余弟遊矣方成童而文章迥出流輩心甚慰焉一日閒步館中與余道及族內修譜之事不覺景慕君之盛德有不容已於言者遂不待其請而爲之傳君諱有爲字若之別號東齋乃西芹公之裔惟見公子也惟見公娶河北楊氏生君方五歲而逝渺焉一孤誰與爲依君則幼不好弄出入知請父命弗貽厥考憂稍長儀觀清潤聰敏異常讀書過目輒記同堂均讓一席先生以



大器目之奈北門憂迫菽水奚承不得已習岐黃之術資生亦以救世先聖經難百家指要諸書叅究殆盡兼之以仁心行仁術樵朽回春橘井杏林鱸炙人口四方之歷舍重趺而至者一呼籲若飢溺在己全活不可勝記然亦絕無論財責報私積貯以爲兒女衣食貲嘗自言曰爲苟足以備甘脆奉吾父吾事畢矣有贍餘卽期飢濟渴傾囊不吝見有周道崎嶇蹇蹇之叢塚圯塌瘞封之嬰無所哺資育之喪無所歸脫贈之種種善施難以枚舉尤足稱者修祖廟復祀田葺宗譜凡有關於倫常義舉君不憚勞瘁倡率周旋必底於成而後安以故公常出納之柄咸推君獨司之君素性慈祥又極和藹生平口無疾言足無錯履溫恭揖讓童穉必接以禮貌人之望見君者卽甚冥頑亦知



歛容起敬通邑中尊爲有道長者雖未名登仕籍而德盛人欽  
卽貴顯弗若也如君殆所謂仁之人義之士禮之宗徐氏世德  
君其作求獨深矣配張氏敬戒賢淑克持內政有靜好之風無  
珮贈之靳積德之遺勩勩多焉舉二子長洪楠余弟徒也鵬程  
萬里轉瞬卽扶搖而上次洪梓英特雅雋卓乎不群君之後其  
必有以振家聲而耿光乎前烈者君將爲泮東一中興祖乎余  
其拭目以待

皆

康熙庚午孟夏上浣之吉

己酉科舉人候選知縣同學社弟湯錫仔頓首拜撰



惠琳與半孟夏生說文皆

皆

其為日也者

或育以遊樂登而短光乎

萬里轉輾相共登而土火為

康韻文博蘇詩文世傳憤於

孫其外永益窮矣固難月幾

得貴顯我幸也故家散世隨

煥容賦賦最昌中尊食休養



吳越明百五十九君揚公行傳

丁山六房

公性剛直義勇過人凡有不平之舉就質於公者靡不示以直  
方從無阿比以徇鄉黨咸仰其梗概之風也甲寅之變寇氛四  
起都內立社自衛公能勉力爭先不好佚辭勞早晚巡守堵禦  
隣地有警率社衆而前驅之賊不敢當鋒引自竄避得保一隅  
於無恙者公之力居多故其有裨於地方不必如修繕橋梁捐  
囊施捨等小惠之斤斤也生六男長曰懋祥次懋祝三懋義四  
懋芳五子出繼六懋全皆樂務常業英英有振起之槩知公之  
報施爲不爽焉

峇

康熙歲次庚午桂月之吉



明二百廿八君旭公傳

丁山二房

先大人崛興家業公復善於承繼克儉克勤可謂能續先人之緒矣而且力從孝弟樹藝爲本而謙和接物党里述焉早失恃善慰父志夙夜承歡而定省之節無或少曠處仲翁怡怡如也棣萼交輝友于之誼尤篤鄉隣有囂競而成崔角者嘗藉公片言解釋甚有解已囊以消其釁亦未嘗責報衆皆仰之至於高曾祀產罔不兢匕勉力經畫以爲祀典所干義不容辭夫是以焦心勞力積蓄而恢拓之公帑日殷皆公力也他如姪戚之周睦交遊之敬信取與之不苟種種不遑枚舉姑約略數大節以傳示後裔子懋鑣丰姿瑰異少親書史恢匕乎有食牛氣他日展翅冲霄家聲庶藉一振云



明二百四十六君輝公行傳

丁山二房

公乃守忠公次子也賦性醇厚克紹箕裘而門內之行尤爲肫懇幼失恃繼母陳氏事之不啻如親生然者由是大慰父志以爲能承順克家子也其於伯兄怡顏和色愛敬勿失而墮筮之吹聲施於外其孝友之性益得於天生者然也家殖饒裕能以淡泊自處不喜奢靡然於義所當爲靡不慨然樂赴無復錙銖吝嘗代人謀事無論鉅細悉皆竭力盡心務必有成而止至貧而無力者嘗解囊代濟不責其償由此而尙義之聲益隆於閭里縉紳先生無不慨慕其風而樂與之遊焉長子懋銑次子懋銓皆業儒英英不凡有克振門閭之器洵善人之後天報不爽

與







恒齋徐年翁傳

明二百三十八  
○丁山六房

人之有道者重人倫盡則人道全司鐸者所厚望也而盡  
倫之士不概見余獨於泮東徐孟翁有深契焉翁諱瀛元字孟  
先恒齋其別號乃宋鄉賢次鐸先生奉祠賢裔也厥考驗達魏  
庠名士家學之淵源翁克紹其業先輩嘗評其文饒有陶鄧風  
味而未遇知音適遭兵燹流離失所家貲散廢殆盡翁恐貽父  
母戚也乃棄舉業理家政承歡膝下惟圖所以顯養雙親者無  
所不至隨奩珍產悉出之常用未嘗以爲私蓄故家得不落居  
無何而室廬又災矣半生積累盡被祝蝟捲去人生艱苦莫此  
爲甚翁復不憚經營拮据鳩材庀工堂構復新父母不致有風  
雨飄搖之懟皆翁一人之力也歲辛未公以祖父未厝覓吉於



六十八都馱山地豪張某謀併爭阻經衆訟官連結不解公憂  
費巨莫支也翁挺然任曰大人輾轉反側臥不安枕者恐費不  
繼耳元願傾家所有與之敵公由是奮往向理豪右帖服二代  
得以入土封穴其曲體親心順承親志始終無間如此父母仙  
逝喪塋殯祭獨致其情而不問及季弟且性量冲和誠樸與世  
酌酢無幾微愆節從不妄發一言言出必踐忠信篤敬遠近交  
孚遇貧困則慨然樂施當大禮則循分畢盡進退雍容衣冠整  
秩彬彬乎宮墻雅望也時嘗與余晤對劇談不覺意舒情暢同  
學友接其風光亦莫不肅然起敬焉娶南岑吳氏寬裕輯柔警  
鷄鳴知贈珮相夫子不特敬慎無違抑且周旋贊勸以成翁德  
而齊眉偕老閨幃之靜好咸嘖嘖彌莫能及生二子長懋謙弱



冠卽遊庠矣次懋譙文章雋逸嘗就課爲余擊節採芹可計日也女二長適崑山進士明鋒先生之孫趙正哲次適東街孫國梧孫男三悉瓊枝玉樹未可涯量如翁者洵可謂父子親兄弟友夫婦別朋友信人倫盡而人道全余所厚望而不易得者而見之於翁也今懋謙因譜牒將葺以余相契甚深乃請傳於余余雖髦倦不得不以素所聞見者而率筆書之以示夫後之身列人倫者知所觀感而是則是倣云

嘗

雍正乙巳嘉平朔旣望之吉

歲進士署東陽縣儒學司訓年家眷弟吳世良拜撰



清身御氏宗譜

卷之

二



山沾餘波於泰水爰不揣淺陋據管詮次以爲好善者勸

皆

雍正四年歲在丙午菊月中浣之吉

邑庠生婿男馬懋楠百拜撰







榮六爾善翁行傳

西南長房

嘗聞開創者實難而守成者亦不易何也開創者居得爲之地當可爲之時更遇操理有人故建非常之業於數年之間雖曰人力殆天意也若夫邁世運式微之際當一綫僅存之時稍不善則傾覆因之尙可冀其建功立業乎然亦有建功立業於此際者可謂斯世之英矣如西關外徐翁諱懋嘉字爾善係明一府君之長子也其先自泮東南宅遷居此地已歷十世至今祖諱有欽字應之從事詩書彬彬文雅蜚聲膠序淵源有自至翁而孝義性成純良和厚自幼力本經營克勤克儉亂離之後作居室置膏腴有山可樵有水可汲具祭祀敦倫紀將明一府君之血食香烟直使千秋而尙存也凡宗族重務必同心協力而



無衆寡後先之計亦無因循慳吝之心卽有強悍不馴者無不  
傾心悅服且延師訓子教以義方惟樹德行仁自勉故二人享  
鯉泉之奉昆季樂荆樹之祥娶吳氏必敬必戒如賓如友當而  
立之年巳兆熊羆長日光禎次日光祥幼日光祖皆善體親心  
能勤稼穡克負荷而紹箕裘女歸舍弟繼子得以優游徜徉惟  
意所適駸匕乎其不可量也豈非開勅守成同一艱難者哉余  
幼年與親翁同門思其行誼何日忘之茲因家乘鼎新請序於  
余雖生平善行不能殫述特約畧其梗概有如是云

崑

康熙歲次庚午桂月之吉

眷弟邑庠生金繼挺頓首拜撰



榮五十二允珮公傳

丁山二房

生而俊敏瑰卓不凡有志詩書遭亂輟業幼失怙事母極承歡之節寒暑晨昏勿去左右後嘗同母寢不第調燮溫涼以母勵志苦守引自刻責以絕其晏昵之私否則謂得罪於母怒焉不敢自安也如此者二十餘年未嘗少懈迨病躬承湯藥累月不解帶至卒哀毀逾常遐邇聞者莫不涕洟古云孝爲百行先如此歷久不衰蓋非純孝不能也他善固多又何必殫述焉

嘗

康熙歲在庚午桂月之吉



瘴熱流毒殊年餘日次皆之...

昔...

賦曲入不...

不稱帶至平...

不難自安也...

賦志...

文...

全...

卷之六 賦志...



榮五十九允培處士行傳

丁山二房

譜之有特傳本大史公之遺所以紀其人之懿行也其人有可傳之實則詳叙其始末初非以後嗣盛而虛張先世之善後嗣衰而湮沒前人之美也余從姪

諱

懋枝字允培爲洪雷公次子

公辭世早長兄異夔二弟尙幼爾時有家政而支戶役者獨任一人姪亦善體慈萱願復之隱友愛二弟怡怡然無違顏忤語少就傳長聘娶不憚辛勤厥後各夔成家侄與孺人吳氏錙累寸積漸底饒裕然襟期曠廣未嘗重視財而輕視義一聞哀籲乞憐之聲卽慨然與之弗吝歲屢飢捐助賑濟不啻再三且坐平極謙謹與世酌酢不妄發一言不輕舉一履縉紳先生景其長厚皆樂與遊飲酒暢懷雖極醉亦從無號呶側弁之愆溫溫



恭人可爲咏矣晚年衆子侄以其勿育群勸立繼承祀侄從容  
答曰吾見世之擇繼者多矣未定而爭既定而訟一生貲積頓  
廢於競財鬪氣中而倫常敗壞血食又豈能永衆皆唯唯無復  
言乃與吳氏議酌以祖父本源未報助田於祠入配大宗附享  
馨香所存產業俟百年後三房公收蓄貯備高曾祖父四時明  
裡之需流傳勿替不許瓜肥盜售其見之明而處之當也如此  
此固上不負其先下貽穀於後以視夫孳匕後匕之徒不顧父  
母唯私妻子終身手口交瘠留與豚犬兒付之一擲者相去懸  
絕矣奚忍以其艱於似續而懿行置之不問哉余故宗大史公  
遺意而據實爲之傳其始末焉

雍正四年歲在丙午季夏月中浣之吉

從叔洪楠撰



東五加洋東善士徐允青公傳

丁山二房

洋東徐氏爲邑望族其人皆興仁講讓秉禮好義風甚醇也而尤卓卓可紀者莫如允青公公諱懋松字允青榮百十其行也厥考明雷篤厚君子弗耀於時生四子公居其三自幼磊落英多有亢宗志早失怙弗獲成舉子業乃牽車服賈敬養慈萱天格其衷家業亦如幾如式焉性極慷慨名義所關雖千金不吝仲叔雲羈溫不回生二子公往勸歸宗不計其費季叔霖中道而殂孀母不欲終守子女尙幼公撫養長成不啻同胞女不收聘而嫁於華溪虞景垣盈門爛焉子爲聘娶分費日慨與產業俾其克成厥家此固彝倫中之迥出恒情外者戊子歲飢素封之家尙靳錙銖公非殷戶乃持金乞糶捐穀七百石有奇以賑



災黎全活無數 邑侯史公上其事給扁旌獎顏曰獨力濟衆  
他若卹隣族厚姻戚賣妻鬻子代其償以贖窮餓遺孤隨其請  
以助種種善行不勝枚舉如公者洵可爲謂一代仁人不世義  
士也生康熙乙巳七月初三日酉時卒康熙辛丑十月十三日  
亥時享年六十有三娶施氏溫柔淑慎克佐夫子先公而逝生  
一子熙燦姿秉聰慧器量豁達綽有乃父風裁繼娶陳氏生一  
子熙煌靈敏尤異當孩提已若老成孫聖佐聖佑皆頭角崢嶸  
舉止溫雅讀書過目輒記將來未可涯量君子謂積善之慶見  
於此矣今值修葺家乘正表微發潛之會余景慕公德久矣乃  
率筆書此以待後有續邑誌者採之登於庸德尙義之列云

雍正四年丙午孟夏穀旦

鄉進士同里吳從輅拜撰



冠帶碩望徐實菴行傳

榮百七十六  
○丁山二房

泮東徐氏居瑞山實菴翁者乃君輝公冢嗣峴峯公賢裔也翁諱懋銑字光卿實菴乃別號天資卓殊讀書過目成誦弱冠從吉輝陳先生肄業洽貫經史善屬文同堂咸遜一席童子試中屢拔前茅厥考期以大成而數奇不售翁處之恬如也好學益篤手未嘗一日釋卷後學師事者不遠數十里負笈登堂甚衆善事親君輝公豁達慷慨樂延名俊流觴賦詩以舒雅懷翁先意承志曲體隱衷而得其歡心奉慈幃愉色柔聲依匕膝下待季弟不惟式好無尤而笑語從容猶賓朋之款洽然居家敦孝悌接世唯忠信取與嚴乎一介然諾重於千金樞機交飭爲月旦所推評雍正元年詔令州縣官舉品行端方者爲約長賜



八品冠帶

邑大夫訪聞盛德舉爲鄉約正長宣講

聖天子萬言訓諭抑揚諄復雖冥頑愚蠢之夫亦知孝悌忠信風移  
俗正大化聿新所彌一鄉典型 新朝令望可無愧矣卽未嘗  
以詩書之腴躋華臚而觀光於國能以篤寔之修端模範而觀  
感於鄉遇不同道則一也况令嗣溫恭醇茂專致於學問文章  
堪爲聖世有用之儒所謂不於其身而必於其子孫者已可搯  
券乎余與翁岳大人有松柏之繫親炙道範而景慕之久矣貴  
族家乘重修乃不愧鄙陋備述之以爲後世子姓之法則焉於  
是乎傳

雍正丙午秋八月旣望

恩拔貢士考授教習縉雲通家眷翁楊

喬拜撰



衡鄉徐親翁行傳

丁山二房

古來党庠州塾之外有鄉舉里選所以貢輜人之採也則言芳  
行表爲閭里儀型卽可爲司馬書升矣今泮東遷居瑞山徐衡  
卿親翁者諱懋銓行榮百八十八爲嘉靖乙丑進士子噐公後  
裔乃余弟之泰山也搯月旦之評者屈指而數謂翁隱居林  
泉捐去塵囂得忠厚長者之風性至孝父先辭世悉遵司馬溫  
公之訓弗違大父家傳思所樂思所嗜瞻依陟岵不減王哀其  
事孀母甘旨維勤寢門定省晨昏不輟處昆季友愛有姜肱遺  
風隨肩鴈行填篋協律處朋友惟信然諾不欺處宗族與父言  
慈與子言孝與仁講讓與世無忤不存芥蒂不立堤岸故聽其  
德音者奉爲模楷里人忿難力爲解排卽開囊捐資維繫周護



亦所不辭人服其義奉爲太師遺範齊家以道尙朴素不事鉛華襟期浩蕩胃次恢弘撓之不濁澄之不清群目爲和風育物若有輕雲霽月染蕩其性情者以翁之品行醇厚鄉可舉里可選當輜人之採登司馬書升自應光輝於前垂裕於後也乃年近五十尙未獲嗣搵鑑者知天必降螽斯慶昔商瞿未嗣孔子曰某行年五十應得五丈夫子後果如言五子成名今衡翁年四十有九適得寧馨之兒以爲掌珠此天之初降耳其鸞鷲之英當有接踵而來如商瞿之所有者後嗣誇灶奕世其昌以爲翁之慶餘不卜可決矣方今家乘重修聊弁數言以爲翁之左券并以佇觀翁享遙齡膺紫誥之重重云

雍正四年歲次丙午陽月黃鍾律之吉

眷姪杜時英拜撰



華十尙功老親翁傳

丁山六房

泮東徐尙功親翁乃余弟

望雲

岳大人也

雲

沐

翁培植得游

膠庠肄業之餘晨夕常侍翁側覩聞甚悉每與余備繭翁德之盛心竊識之今當葺續家乘請傳於余余忝屬至戚不敢以不文辭而爲之傳翁諱熙志字尙功爲贈兵馬公後喬工部公元姪孫也詩禮遺芳世有令德翁承祖父家訓少習舉子業期大就勿售中年以高堂衰邁不忍煩瑣事勞厥考心遂棄業而肩理家政開源節流大道生財七亦恒足然未嘗好貨私貲爲妻子溫飽謀備甘潔脆以奉父母問視定省之節獨致畏情其孝行人無間言所尤難處者次弟魁游手無執業翁再三勸誨不悛客往東甌羈留忘返妻與子烝烝無依翁焦思勞心區畫措



置俾寡婦孤兒不隳厥家幼弟祖少患瘋疾步履維艱翁延醫  
調治百方勿愈久之禡臥不起一飲一食以至反側厠便皆翁  
親扶力挽歷十數年無怨怠且喪葬盡禮遠近莫不咨嗟嘆絕  
其友愛又世所罕見他若褊躬謙謹生平不妄言笑與物和平  
醇醑絕無欺僞遇大義事挺身向先見人患難善爲排解鄉党  
依之爲重宗族推之爲長善行不可勝道要皆從本立道生發  
揮悉性理中流出如翁者洵可云孝弟全而彝倫叙雖未拖青  
紆紫通顯於時而是亦爲政卽以質之先世仕宦諸公未有不  
心許而默與者也娶鄭氏才能勤敏溫順慈祥與翁齊眉舉案  
不減梁孟之風生一子聖烈朴誠醇雅克紹箕裘二女長卽余  
弟配次適橫城賈桂生孫二錫瑞錫璨皆秀特不凡已就傳習



書史矣聰慧穎悟見者競稱爲奇男魚龍變化非池中物蓋敦  
本之家其後昌固然均望雲盍以余言附登諸冊而爲翁餘慶之  
券可乎

肯

雍正丙午七月穀旦

歲進士侯選儒學訓導眷姪張承諫拜撰



燕燕士子髮鬢垂脂華卷致期承藉親琳

燕並丙子十月五日

卷四

本文案其翁昌國然望雲蓋以余言州登蒲冊而深余緝製

書史矣懸畫財部良皆蔽酥益有果魚諸變分非此中幽器



節婦郭氏傳

丁山二房

恒百十七庠士陶崖公配長衢郭氏節婦也節婦生稟貞淑在襁褓中卽不妄言笑稍長克遵姆訓舉動以禮法自閑歸陶崖公盡婦職知公之幼孤而見育於兄嫂也卽以事舅姑者事之家政無巨細必躬必親尤勤於女紅雖旦暮不辭勞焉勉陶崖公讀書以遠大自期而深以晏安爲戒公得盡心力於鉛槧屢試優補廩膳皆節婦有相之功也歲戊子公應鄉試有司勸駕就道至通杠獲疾而安人求醫嘗藥願以身代無何公之不可起也安人憑棺視殮務盡其誠日夜哀號不絕屏去膏沐縞衣總筭求一死以繼之旣而曰吾夫無子吾復死其誰爲之祀乎吾聞繼世則神有所憑依也乃求季姪香繼爲嗣撫摩鞠育不



宦已出延明師課以舉子業冀承先志娶吳氏生騰及駕不幸  
香之志未就又早逝也吳氏之事香亦有安人風安人顧謂曰  
吾無子育爾夫以爲嗣况二孤尙在存立之足矣何哀之過耶  
吳氏唯匕從安人命晝則同室夜則聯榻姑婦冰玉之操遠近  
聞者莫不嘖嘖贊嘆騰娶樓氏生孫應贈早逝樓氏亦守節而  
有一女諱球適郭杲重母黨也甥男舜問舜言邑庠生嗟哉安  
人不獨成已之節又能成婦之節乃弗獲呈請表揚建坊而登  
之史冊潛德幽光何日發之哉姑傳其畧以俟觀風者採焉

鄉貢進士姪郭樵拜撰



胡氏夫人傳 丁山二房

秦六三夫人胡氏東湖元編修古愚公裔也貞順性成夙閑閨  
範相夫子敬戒有古鷄鳴風事舅姑處妯娌克盡婦職總理家  
政井井有條桐川公得肆力於文章而不以家累者夫人之力  
居多也自後家聲日振而公之文行日益有名性好賓友過訪  
者殺醴豐潔族人往來咸惠及之延師課諸孫必親檢蔬膳女  
初擇婿謂公曰吾女必嫁讀書人適邑庠郭廷梅果應貢成名  
隨任武昌以官箴相勸勉旣歸訓諸孫媳啟以勤儉戒以荒嬉  
一言一事悉可爲女子則壽終聞者稱莫及焉若夫人者真女  
中丈夫也故傳之以爲閨闈式



陳氏孺人傳

謙五十三孺人陳氏安文世有家訓以故姻戚相盤桓也孺人生稟柔順夙嫻儀則逮歸徐門雅飭自持一遵閨範事姑胡氏夫人如其母夫人亦以愛女者愛之相夫子勉之以正承之以順允諄諄於親賢友善不吝解珮之贈夫子得全其令德而彰其令名者皆內助之功也生三子惜長袍幼視早世而中子祝卓有成立三女俱適名門至於和妯娌惠僕妾懿行未能悉錄傳其大畧以爲爲婦者告焉

西芹宗堯撰



謙九十公安人陳氏節孝傳 丁山四房

徐君諱奕行謙九十者嗣子應秋因葺家乘有父母德行請傳於余余忝在姻戚何敢辭焉按公爲贈兵馬公六世孫也父諱橙祖諱淳曾祖諱鏘高祖諱繼俱隱德弗仕乃築廬居龜山墓傍迨公棟宇聿新較前人更闢一門戶矣公天性孝友善事親處叔伯昆季及五服同堂無有異視德化藹於家庭仁厚播於遐邇不幸而天奪公壽配安文陳氏公病將革指安人曰吾死矣一女未適二子在抱爾將爲我哺爾後雛乎抑將棄爾雛以事他人乎安人指天泣曰自我甫笄歸君緣旣結於生前死肯負其同穴哉况繞膝而啼者豈非吾兒耶必不負乎三從之義言畢而公目瞑矣安人忍苦撫孤捐釵鉗毀脂粉持齋衣褐一



室孤燈形影相吊凜然栢舟自矢織作女工旦夜相繼教子成  
立婚嫁以時延師傅治賓厨支戶役勞瘁莫憚日戒諸君出作  
入息無小懈怠和妯娌閨闈之中不聞其言巧於針刺女子多  
師之方舟處事匍匐濟危內外蕭然年屆八旬淑善如故真所  
謂女中丈夫而卓然不易者也公生嘉靖丙申十二月十六日  
卒萬曆甲申二月初三日安人生嘉靖甲辰八月初二日卒萬  
曆庚申正月十二日遠近聞之無不悲悼長子應春先安人而  
逝長孫欽聖次男應秋生孫欽圖欽圉君方壯年蘭芽拔萃繩  
繩未竟也克昌厥後之休已兆於此余因諸郎姪之請據其生  
平貞操實行而爲之傳公與安人之節孝可不泯矣

天啟丙寅菊月穀旦

邑庠眷生張學圭拜撰



謙九百六十一安人樓氏貞節傳 丁山二房

安人樓氏爲文騰徐君之配自幼矩度端莊孝敬咸備甫及笄而歸徐疑重貞靜凡中饋事皆克修閨闈中不聞言笑聲時姑吳安人孀居在堂凡飲食起居皆躬爲調攝服事惟謹吳安人自以得賢婦爲慶而徐君亦以得賢配爲喜也居無何徐君得危疾不起安人籲天願以身代及將革徐君握安人手爲永訣狀且泣曰一病至此無望起矣老母孤兒將遺之誰安人揮淚自矢曰君死我不能獨生但以老母孤兒故當忍死爲君周旋少有失所他日黃泉無相見也徐君以手加額謝安人及卒家固貧而殯葬一如其禮捐釵飾黜脂粉稱未亡人事吳安人以孝著二子應賜應贈藐焉孤也安人哺食之弗至飢寒迫切孤



燈午夜機杼無停寒雨淒風蕭然獨對子稍長教以詩書一舉  
一動皆畫矩而行及郎君成立配以室家孫枝滿庭而安人亦  
自喜曰卽歸見爾父吾無恨也安人其爲婦也如子而有終養  
之賢爲母也如父而有義方之訓豈非兩間之松筠歲寒不凋  
者哉百世而下聞者莫不感懷而况目擊者乎是爲傳

昔

天啟丙寅夏月之吉

鄉進士趙忠屏拜撰







作

隱德

初逢

插架

升東

壽

今鷹秋思動



論古人而有感於今因徐氏兄弟之孝而又感於今之孝爲人  
子者不特此也今長君年登花甲安人亦期頤在望兄弟同心  
友愛日夕承歡安人無可驚愕之心有得親順親之奉他日和  
氣致祥釀爲大年而徐氏兄弟可於古二十四人中再叅一座  
矣余因樂爲之記其事云

嘗

萬曆甲寅夏月

賜進士第通議大夫都察院協理院事左副都御史前奉

勅贊理江西軍務右都御史吏兵二科都給事少薇許弘綱拜撰



陳贊駐西軍統古猶繼

吳二探特命尋少薄信

顯藝士策賦籍大夫味

聖訓事古捕務治史前奉

萬報甲寅夏月

昔

矣余因樂為文歸其事云

原登輒翻茲太平而餘人只後可城古二十四人中再參一室

丈愛日入承前代人無何... 之心有... 之表...

午暮不耕此也今身苦平... 亦其... 五...

備古人而首... 公因... 而... 今...



世承仁房重纂譜系跋

歲在元默涪灘之吉族叔克平惠書言尊長集議續修房譜

命彰分校彰不文又居縉邑多历年所何敢妄膺茲任然

念瓜綿瓞衍本屬同根義不容辭遂驅車承命披閱舊譜所

載詳哉言之無俟贅言也惟憶數年以前春秋祭祀彰與駿

奔見吾宗禮樂衣冠踰躋人文之盛甲於通都卽本派

蒙一公下似續之繁享耆壽膺明經列膠庠者亦難枚舉嗚呼

盛矣何意天不卑純自咸豐戊午迄癸亥粵賊陷城民居悉

爲灰燼祠宇化作坵墟士民悼喪十留一二傷矣所可慰者

吾宗清白傳家人皆以節義自勉不獨秋泉公以下十數輩

忠貞表表允爲一族之光卽如本房下甥臣公當賊勢之方



張首捐軀以徇節邑中談忠義咸以秋泉翊臣二公爲最迨  
荷

綸恩崇祀忠義祠固其分也他如兆芝樹三載廢諸公數十輩  
亦皆潔清自矢餓死他鄉而不悔視卑汚屈節甘爲虜辱者  
何如耶此可以見吾宗世德作求故能皆知自勵如此也  
承尊長命凡家規凡例傳贊名表悉仍舊章弗敢妄有改易  
間遇魯魚亥豕略爲校正而已惟於大節所關謹臚列以附  
簡末俾螽斯揖揖共奮彛倫麟趾振振同敦實行庶有以迺  
前光而示後嗣云耳是爲跋

皆

同治十一年歲在壬申余月吉旦

十七世孫彰百拜謹誌



